# Mohd. Asri Zainul Abidin



# OD'AH HASANAH:

ISTILAH

YANG

DISALAH

**FAHAMI** 







#### **BAB 1: MEMAHAMI MAKSUD BID'AH**

- Ta'rif Bid'ah Dari Segi Bahasa
- Ta'rif Bid'ah Dari Segi Istilah
- P Huraian al-Imam al-Syatibi Terhadap Ta'rif Bid'ah
- Kesimpulan Ta'rif al-Imam al-Syatibi



#### **BAB 2: MEMAHAMI MAKSUD BID'AH HASANAH**

- Perbahasan Bid'ah Hasanah
  - ◆ Perbahasan Ucapan al-Imam al-Syafi'I
  - ◆ Perbahasan Ucapan al-Imam 'Izz al-Din 'Abd al-Salam
  - ◆ Perbahasan Ucapan al-Imam al-Nawawi
  - ◆ Perbahasan Ucapan al-Imam al-Savuti
- Kesimpulan Perbincangan



# BAB 3: SALAH FAHAM TERHADAP UCAPAN 'UMAR AL-KHATTAB DAN HADITH SUNNAH HASANAH

- Salah Faham Terhadap Ucapan 'Umar al-Khattab
- Salah Faham Terhadap Hadith Sunnah Hasanah
- Kesimpulan Perbincangan



#### **BAB 4: AMARAN MENGADAKAN BID'AH**

- Amaran daripada al-Qur'an tentang bid'ah
- Amaran daripada al-Sunnah tentang bid'ah
- Amaran daripada para ulama' tentang bid'ah





# بسم الله الرحمن الرحيم

الحمد لله، نحمده ونستعينه، ونستغفره، ونعوذ بالله من شرور أنفسنا، ومن سيئات أعمالنا، من يهده الله فلا مُضِلَّ له، ومن يضلل فلا هادي له، وأشهد أن لا إله إلا الله وحده لا شريك له، وأشهد أن لا أله فلا مُضِلَّ له، ومن يضلل فلا هادي له، وأشهد أن الما بعد:

Sesungguhnya bid`ah adalah ancaman terbesar terhadap ketulenan agama. Hilangnya ketulenan agama nabi-nabi terdahulu adalah disebabkan bid`ah yang dilakukan oleh para pengikut. Oleh kerana itu para ulama hadith tidak pernah lupa memasukkan bab-bab berkaitan dengan bahaya bid`ah yang telah diberi amaran oleh baginda Nabi shallallahu 'alaihi wasallam. Lihat umpamanya kitab hadith yang terkenal Kitab al-Sunnah oleh al-Hafizd[1] Ibn Abi 'Asim (ابن أبي عاصم) rahimahullah (278H) dalam bab: ذكر البدع وإظهارها أعام المعام المعام

Perbincangan mengenai bid'ah begitu luas dan merangkumi banyak persoalan. Namun tulisan yang ringkas ini ditumpukan kepada perbincangan dengan ibadah. Disedari bid'ah yang berkaitan bahawa sana ada ajaran bid'ah yang sangat merbahaya pada zaman ini yang mengancam akidah dan ibadah sehingga boleh membawa kepada kufur. Aiaran ini dinamakan 'Islam Liberal'. Ajaran ini cubamengubah pegangan hidup daripada Nabishallallahu *`alaihi* Islam yang berasal wasallam kepada Islam yang berdasarkan kehendak cuaca di Dunia Barat. Mereka ini cuba merubah wajah agama Islam seperti mana telah diubah wajah agama Kristian. Inilah ancaman bid'ah terbesar terhadap umat dewasa ini yang sepatutnya para ulama bersatu menentang mereka. Saya dengan segala kedhaifan- telah berusaha menjawab ajaran sesat

ini melalui tulisan dan lisan dipelbagai media seperti, majalah, akhbar dan ceramah-ceramah. Malangnya ramai yang melupai ancaman golongan ini. Bahkan ada yang bersekongkol dengan mereka danmemusuhi mereka yang berusaha mengangkat sunnah Nabishallallahu 'alaihi wasallam

Saya sebut perkara di atas bagi mengingatkan para pembaca bahawa tumpuan kita adalah luas dan tidak terhenti sekadar tajuk ini sahaja. Banyak lagi permasalahan umat Islam yang perlu diselesaikan. Penulisan-penulisan saya, alhamdulillah, merangkumi berbagai topik yang berkait dengan permasalahan umat. Saya catatkan ini supaya tidak disalah fahami dengan menganggap kita hanya tertumpu kepada satu isu sahaja. Tidak, kita menumpukan kepada berbagai persoalan penting umat dan ini hanya salah satu daripadanya.

Sesuai dengan tajuk buku kecil ini, persoalan bid'ah yang saya beri tumpuan ialah *Bid'ah Hasanah*. Tujuannya bagi menjelaskan salah faham terhadap maksud *Bid'ah Hasanah*dan menyemak perkara ini dengan alasan alasan ilmiah. Ini kerana istilah *Bid'ah Hasanah* sering digunakan untuk menjustifikasikan amalan-amalan bid'ah di kalangan masyarakat.

Di samping itu ingin diingatkan bahawa persoalan ini tidak boleh dibincangkan secara emosi tanpa panduan ilmu. Sebaliknya persoalan ini mesti dilihat dengan semangat ilmiah, menerima yang benar dari siapa pun ia datang. Ini seperti yang disebut oleh imam kita yang mulia, al-Imam al-Syafi'i *rahimahullah* (204H):<sup>[3]</sup>

Setiap perkara yang aku telah perkatakannya, sedangkan ada riwayat yang sahih di sisi ulama hadith daripada Nabi shallallahu 'alaihi wasallam yang menyanggahi apa yang aku ucapkan, maka aku menarik balik ucapanku semasa hidupku dan selepas mati.

Persoalan ilmu hendaklah dibincang dengan pendekatan ilmiah dan terbuka. Janganlah bersikap keras atau ego semata-mata kerana sesuatu pendapat dan amalan telah lama sebati dalam diri sendiri. Dalam hal ini, marilah kita memperbanyakkan doa Nabi shallallahu 'alaihi wasallam:

اللَّهُمَّ رَبَّ جَبْرَائِيلَ وَمِيكَائِيلَ وَإِسْرَافِيلَ فَاطِرَ السَّمَاوَاتِ وَالأَرْضِ عَالِمَ الْغَيْبِ وَالشَّهَادَةِ أَنْتَ تَحْكُمُ بَيْنَ عِبَادِكَ فِيمَا كَانُوا فِيهِ يَخْتَلِفُونَ اهْدِنِي لِمَا اخْتُلِفَ فِيهِ مِنَ الْحَقِّ بِإِذْنِكَ إِنَّكَ تَهْدِي مَنْ تَشَاءُ إِلَى صِرَاطٍ مُسْتَقِيمٍ.

Wahai (Allah) Tuhan Jibril, Mikail, Israfil, Pencipta langit dan bumi, Mengetahui Yang ghaib dan yang Nyata! Engkau yang menghukum apa yang hamba-hamba-Mu berselisihan di antara mereka. Tunjukkanlah aku kebenaran mengenai apa yang diperselisihkan dengan izin-Mu. Sesungguhnya Engkau menunjukkan sesiapa yang Engkau kehendaki ke jalan yang lurus. [4]

Kepada Allah jualah dipohon petunjuk ke jalan yang benar. Dalam menyiapkan buku ini, saya ingin mengucapkan terima kasih kepada Hafiz Firdaus Abdullah kerana telah menyuntingnya dan Maryati Mat Nasir serta Mohd. Yaakub Mohd. Yunus kerana telah melakukan semakan terakhir (*proof read*).

Dr. Mohd Asri Zainul Abidin
Pensyarah Bahagian Pengajian Islam,
Pusat Ilmu Kemanusiaan, USM,
Pulau Pinang.
31 January 2005
moasriza @ yahoo.com

\_\_\_\_\_

Di dalam ilmu hadith, gelaran *al-Hafizd* (الحافظ) ini diberikan kepada sesiapa yang luas pengetahuannya dalam hadith dan seni ilmunya, sehingga apa yang dia ketahui mengenai hadith-hadith dan kecacatan-kecacatannya lebih banyak dari apa yang dia tidak ketahui. (lihat: Nur al-Din 'Itr, *Manhaj al-Naqd fi 'Ulum al-Hadith*, m.s. 76)

Rujuk: al-Hafizd Ibn Abi 'Asim, *Kitab al-Sunnah*, jld. 1, m.s. 21.

Diriwayatkan oleh Ibn Qayyim al-Jauziyyah, 'Ilam al-Muwaqqi'iin (إعلام الموقعين), jld. 2, m.s. 266.

Diriwayatkan oleh Muslim di dalam kitab *Shahih*nya – hadis no: 770(*Kitab solat musafir dan menqasarkannya, Bab doa pada solat malam*).

# ጆ BAB 1: MEMAHAMI MAKSUD BID'AH

- Ta'rif Bid`ah Dari Segi Bahasa
- Ta'rif Bid'ah Dari Segi Istilah
- Huraian al-Imam al-Syatibi Terhadap Ta'rif Bid'ah
- Kesimpulan Ta'rif al-Imam al-Syatibi

Tajuk yang diben-tangkan di dalam buku ini mempunyai faedah yang tersendiri. Ia bertujuan menghalang golongan yang sewenang-wenangnya menokok tambah ajaran agama dengan bertopengkan istilah *Bid'ah Hasanah*. Malah tanpa segan silu mereka mengaitkannya kepada nama para ulama silam yang sebelum ini pernah menggunakan istilah *Bid'ah Hasanah*, tanpa memahami apakah yang sebenarnya dimaksudkan oleh para ulama silam tersebut. Hasilnya, segala macam tokok tambah agama yang dibuat dinamakan oleh mereka sebagai *Bid'ah Hasanah*. Kononnya, itulah pendapat para ulama.

Buku ini bertujuan menghalang golongan yang sewenang-wenangnya menokok tambah ajaran agama dengan mengaitkan nama para ulama silam dengan mengambil kesempatan ke atas istilah Bidah Hasanah yang pernah dipakai oleh sesetengah tokoh.

Benarkah dakwaan ini?

Atau adakah sebenarnya mereka ini kurang teliti dan cermat dalam membuat andaian dan tafsiran yang menggunakan nama para ulama?

# ⊳ Ta'rif Bid`ah Dari Segi Bahasa

Bid`ah dari segi bahasa diambil dari kata بَدَعَ . Berkata Ibn Manzur ( ابن ) rahimahullah:[1]

Telah membuat sesuatu bid'ah (past tense), sedang membuatnya (present tense) dan *bad'an* (masdar/ kata terbitan) bererti mengadakan dan memulakan.

Berkata Muhammad bin Abi Bakr al-Razi rahimahullah:[2]

Membuat bid'ah sesuatu bermaksud mengadakannya tanpa ada suatu contoh.

Dalam *al-Mu'jam al-Wajiz* disebutkan hampir sama seperti di atas iaitu mengadakan sesuatu tanpa contoh sebelumnya.[3] Demikian kesemua *mu'jam* bahasa arab menyebut makna yang hampir sama.

Inilah bid'ah dari segi bahasa iaitu membuat sesuatu yang belum ada contoh sebelumnya.

# Þ Ta'rif Bid`ah Dari Segi Istilah

Ta'rif (definisi) yang baik bagi perkataan bidʻah dari segi istilah ialah ta'rif yang dikemukakan oleh al-Imam Abu Ishaq al-Syatibi (الثناطبي)rahimahullah (790H)[4] dalam kitabnya yang masyhur berjudul al-I'tishom (الاعتصام). Kebanyakan para pengkaji bersetuju bahawa al-Syatibi telah mengemukakan ta'rif jamiʻ danmaniʻ (جامع وماتع). [5] Antaranya Dr. Ibrahim bin 'Amir al-Ruhaili dalam tesis Ph.Dnya ketika membandingkan beberapa ta'rif yang dibuat oleh beberapa tokoh terdiri daripada Ibn Taimiyyah[6], al-Syatibi, Ibn Rajab dan al-

Bid'ah ialah jalan yang direka di dalam agama, yang menyerupai syariah, tujuan mengamalkannya untuk berlebihan dalam mengabdikan diri kepada Allah.

Sayuti *rahimahumullah*, menyimpulkan bahawa ta'rif al-Syatibi adalah yang paling terpilih[7]. al-Syatibi mena'rifkan bid'ah sebagai:[8]

سبحانه

Jalan yang direka di dalam agama, yang menyerupai syariah, tujuan mengamalkannya untuk berlebihan dalam mengabdikan diri kepada Allah *Subhanahu wa Ta'ala*.

# Huraian al-Imam al-Syatibi Terhadap Ta'rif Bid'ah

al-Imam al-Syatibi *rahimahullah* setelah memberikan ta'rif ini, tidak membiarkan kita tertanya-tanya maksudnya, sebaliknya beliau sendiri telah menghuraikan maksud ta'rif ini. Di sini dinyatakan beberapa poin penting huraian al-Imam al-Syatibi:

#### Pertama:

Dikaitkan jalan (طريقة) dengan agama kerana rekaan itu dilakukan dalam agama dan perekanya menyandarkan kepada agama. Sekiranya jalan rekaan hanya khusus dalam urusan dunia ia tidak dinamakan bid'ah, seperti membuat barangan dan kota. Oleh kerana jalan rekaan dalam agama terbahagi kepada apa yang ada asalnya dalam syariat dan kepada apa yang tiada asalnya dalam syariat, maka dimaksudkan dengan ta'rif ini ialah bahagian rekaan yang tiada contoh terdahulu daripada al-Syari' (Pembuat syariat iaitu Allah Subhanahu wa Ta'ala).

Ini kerana ciri khas bid'ah ialah ia terkeluar daripada apa yang digariskan oleh al-Syari'. Dengan ikatan ini maka terpisahlah (tidak dinamakan bid'ah) segala yang jelas – sekalipun bagi orang biasa – rekaan yang mempunyai kaitan dengan agama seperti ilmunahu, saraf, mufradat bahasa, Usul al-Fiqh, Usul al-Din dan segala ilmu yang berkhidmat untuk syariat. Segala ilmu ini sekalipun tiada pada zaman yang awal, tetapi asas-asasnya ada dalam syarak.

Tidak dinamakan bid'ah segala rekaan dan ilmu yang berkhidmat untuk syariat. Segala ilmu ini sekalipun tiada pada zaman yang awal, tetapi asas-asasnya ada dalam syarak.

Justeru itu, tidak wajar sama sekali dinamakan ilmu nahu dan selainnya daripada ilmu lisan, ilmu usul atau apa yang menyerupainya yang terdiri daripada ilmu-ilmu yang berkhidmat untuk syariat sebagai bid'ah. Sesiapa yang menamakannya bid'ah, sama ada atas dasar *majaz* (bahasa kiasan) seperti 'Umar bin al-Khattab *radhiallahu 'anh* yang menamakan bid'ah solat orang ramai pada malam-malam Ramadhan, atau atas dasar kejahilan dalam membezakan sunnah dan bid'ah, maka pendapatnya tidak boleh dikira dan dipegang.[9]

#### **Kedua:**

Maksud (تضاهي الشرعية) ialah menyerupai jalan syarak sedangkan ia bukanlah syarak pada hakikatnya. Bahkan ia menyanggahi syarak dari beberapa sudut:

- Antaranya: Meletakkan batasan-batasan[10] seperti seseorang yang bernazar untuk berpuasa berdiri tanpa duduk, berpanas tanpa berteduh, membuat keputusan mengasing diri untuk beribadah, menghadkan makanan dan pakaian dari jenis tertentu tanpa sebab.[11]
- Antaranya: Beriltizam dengan cara (*kaifiyyat كيفيات* ) dan bentuk (*haiat* ) tertentu.[12] Ini seperti zikir dalam bentuk perhimpunan dengan satu suara, menjadikan perayaan hari lahir Nabi *shallallahu 'alaihi wasallam* dan seumpamanya.
- Antaranya: Beriltizam dengan ibadah tertentu dalam waktu tertentu sedangkan tidak ada penentuan tersebut dalam syarak. Ini seperti beriltizam puasa pada hari NisfuSya'ban dan bersolat pada malamnya[13].

Kemudian bid`ah-bid`ah tersebut disamakan dengan perkara-perkara yang disyariatkan. Jika penyamaan itu adalah dengan perkara-perkara yang tidak disyariatkan maka ia bukan bid`ah. Ia termasuk dalam perbuatan-perbuatan adat kebiasaan.[14]

Perbuatan adat kebia-saan tidak termasuk dalam bid'ah yang dilarang oleh syari'at. Yang dilarang ialah apa yang berkaitan dengan agama.

#### **Ketiga:**

Maksud (يقصد بالسلوك عليها المبالغة في التعبد لله): "Tujuan mengamalkannya untuk berlebihan dalam mengabdikan diri kepada Allah" ialah menggalakkan ibadah. Ini kerana Allah berfirman:

Dan (ingatlah) Aku tidak menciptakan jin dan manusia melainkan untuk mereka menyembah dan beribadat kepadaKu. [al-Zariyat 51:56]

Seakan-akan pembuat bid`ah melihat inilah tujuannya. Dia tidak tahu bahawa apa yang Allah tetapkan dalam undang-undang dan peraturan-peraturan-Nya sudah memadai.[15]

Seterusnya al-Imam al-Syatibi menjelaskan:

Telah jelas dengan ikatan ini (yang dijelaskan) bahawa bid'ah tidak termasuk dalam adat. Apa sahaja jalan yang direka di dalam agama yang menyerupai perkara yang disyariatkan tetapi tidak bertujuan beribadah dengannya, maka ia terkeluar dari nama ini (bid'ah).[16]

# 🥍 Kesimpulan Ta'rif al-Imam al-Syatibi

Daripada apa yang dita'rifkan dan dihuraikan oleh al-Imam al-Syatibi *rahimahullah*, dapat dibuat beberapa kesimpulan:

- 1. Bid'ah ialah jalan syarak yang baru di reka dan dianggap ibadah dengannya. Adapun membuat perkara baru dalam urusan dunia tidak boleh dinamakan bid'ah.
- 2. Bid`ah ialah sesuatu yang tidak ada asal dalam syariat. Adapun apa yang ada asalnya dalam syariat tidak dinamakan bid`ah.
- 3. Ahli bid`ah menganggap jalan, bentuk, cara bid`ah mereka adalah satu cara ibadah yang dengannya mereka mendekatkan diri kepada Allah.
- 4. Bid'ah kesemuanya buruk. Apa yang dinamakan *Bid'ah Hasanah* yang membabitkan perkara-perkara duniawi bukanlah bid'ah pada istilahnya.

Bid'ah kesemuanya buruk. Apa yang dinamakan *Bid'ah Hasanah* yang membabitkan perkaraperkara duniawi bukanlah bid'ah pada istilahnya.

- [1] Ibn Manzur, *Lisan al-'Arab*, jld. 8, m.s. 6.
- [2] al-Razi, Mukhtar al-Sihah, m.s. 38.
- [3] al-Mu'jam al-Wajiz, m.s. 40.
- Beliau ialah Abu Ishaq Ibrahim bin Musa al-Gharnati (الغرناطي) Tokoh Andalus yang agung, bermazhab Malik. Seorang muhaddith, faqih (ahli fekah) danusuli (ahli usul fekah). Mengarang beberapa buah kitab yang agung. Kitab beliau al-Muwafaqat (الموافقات) menjadi rujukan utama dalam ilmu usul al-Fiqh. Bahkan beliau dianggap paling cemerlang dalam mengemukakan perbincangan Maqasid al-Syara'. Demikian juga kitab al-I'tishom ini mendapat pengiktirafan yang besar.
- Sesuatu ta'rif yang baik hendaklah yang *jami'* lagi *mani'*. *Jami'* bermaksud ia menghimpunkan unsur-unsur utama dalam ta'rif, sementara *mani'* bermaksud ia menghalang unsur-unsur yang tidak berkaitan masuk ke dalamnya.

Berkata al-Imam al-Sayuti (w 911H): "Ibn Taimiyyah: seorang syaikh, imam, al-`allamah (sangat alim), hafizd (dalam hadith), seorang yang kritis, faqih,mujtahid, seorang penafsir al-Quran yang mahir, Syaikh al-Islam, lambang golongan zuhud, sangat sedikit sepertinya di zaman ini, ...salah seorang tokoh terbilang ...memberi perhatian dalam bidang hadith, memetik dan menapisnya, pakar dalam ilmurijal (para perawi), `illal hadith (kecacatan tersembunyi hadith) juga fiqh hadith, ilmu-ilmu Islam, ilmu kalam dan lain-lain. Dia daripada lautan ilmu, daripada cendikiawan yang terbilang, golongan zuhud dan tokoh-tokoh yang tiada tandingan."(al-Imam al-Sayuti, Tabaqat al-Huffaz, m.s. 516).

[7] Dr. Ibrahim 'Amir al-Ruhaili, Mauqif Ahl al-Sunnah wa al-Jama 'ah min Ahl al-Ahwa wa al-Bida', jld. 1, m.s. 90-92.

[8] al-Syatibi, al-I'tishom, m.s 27.

[9] *al-I'tishom*, m.s.27-28.

[10] Maksudnya batasan-batasan yang tidak diletakkan oleh syariat.

Ini seperti jamaah tertentu pada zaman kini, dimana di kalangan mereka ada yang menganggap pakaian fesyen baju negeri atau bangsa tertentu seperti kurta India, atau gaya serban guru tarikat mereka sebagai pakaian agama.

[12] Maksudnya yang tiada dalil syarak.

[13] Saya menambah, terdapat sebuah hadith yang sahih mengenai kelebihan Nisfu Sya'ban, iaitu hadith:

Allah melihat kepada hamba-hamba-Nya pada malam Nisfu Sya'ban, maka Dia ampuni semua hamba-hamba-Nya kecuali musyrik (orang yang syirik) dan yang bermusuhan (orang benci membenci). Hadis ini diriwayatkan oleh Ibn Hibban, al-Bazzar dan lain-lain. al-Albani mensahihkan hadith ini dalam Silsilah al-Ahadith al-Shahihah, jld. 3, m.s. 135. Namun hadith ini tidak mengajar kita untuk melakukan apa-apa amalan pada malam berkenaan seperti yang dilakukan oleh sesetengah masyarakat. Justeru para ulama seperti al-Imam al-Syatibi membantahkan amalan-amalan khas yang dilakukan pada malam tersebut.

[14] al-Syatibi, al-I'tishom, m.s. 28.

[15] al-I'tishom, m.s. 29.

[16] *al-I'tishom*, m.s. 30.

# 🕦 BAB 2: MEMAHAMI MAKSUD *BID'AH HASANAH*

- Perbahasan Bid'ah Hasanah
  - ◆ Perbahasan Ucapan al-Imam al-Syafi'I
  - ◆ Perbahasan Ucapan al-Imam 'Izz al-Din 'Abd al-Salam
  - Perbahasan Ucapan al-Imam al-Nawawi
  - ◆ Perbahasan Ucapan al-Imam al-Sayuti
- Kesimpulan Perbincangan

Sebelum kita menyelidiki maksud *Bid'ah Hasanah* yang disebutkan dalam beberapa teks para ulama, terlebih dahulu kita wajar mendengar peringatan Nabi *shallallahu 'alaihi wasallam* berhubung dengan bid'ah. Sabda baginda:

Sesungguhnya sesiapa yang hidup selepasku akan melihat perselisihan yang banyak. Maka hendaklah kalian berpegang kepada sunnahku dan sunnah al-Khulafa al-Rasyidin al-Mahdiyyin (mendapat petunjuk). Berpeganglah dengannya dan gigitlah ia dengan geraham. Jauhilah kamu perkaraperkara yang diada-adakan (dalam agama) kerana setiap yang diada-adakan itu adalah bid'ah dan setiap bid'ah adalah sesat.[1]

Jauhilah perkaraperkara yang diadaadakan (dalam agama) kerana setiap yang diadaadakan itu adalah bid'ah dan setiap bid'ah adalah sesat.

Berdasarkan hadith baginda menggunakan perkataan ini, (كلّ) yang bermaksud semua. Berpandukan hadith ini dan kefahaman kita terhadap maksud bid'ah seperti yang dinyatakan oleh al-Imam al-Syatibi, maka bid'ah dari segi istilah syarak tidak sepatutnya dibahagikan kepada hasanah(baik) dan saiyyiah (buruk). Yang benar kesemuanya adalahsaiyyah dan dhalalah (kesesatan).

al-Imam Malik bin Anas rahimahullah (179H) berkata:[2]

Sesiapa yang membuat bid'ah dalam Islam dan menganggapnya baik maka dia telah mendakwa Muhammad*shallallahu 'alaihi wasallam* mengkhianati risalah. Ini kerana Allah telah berfirman: "Pada hari ini aku telah sempurnakan agama kamu". Apa yang pada hari tersebut tidak menjadi agama, maka dia tidak menjadi agama pada hari ini.

#### Perbahasan Bid'ah Hasanah

Ada beberapa tokoh sarjana Islam, terutamanya tokoh-tokoh mazhab al-Syafi'i, yang telah menyebut dalam kitab-kitab mereka istilah Bid'ah Hasanahatau yang hampir dengannya, seperti Bid'ah Mahmudah (بدعة محمودة ), bid'ah wajib, bid'ah sunat dan bid'ah harus. Antara tokoh tersebut ialah al-Imam al-Syafi'i (204H), al-Imam al-\Izz \Abd al-Salam (660H), al-Imam al-Nawawi (676H) dan al-Imam al-Sayuti (911H) rahimahumullah.

Akan tetapi apabila diteliti ucapan-ucapan mereka, kita dapati bid'ah yang mereka maksudkan merujuk kepada *Bid'ah Hasanah* dari sudut bahasa, bukan bid'ah dari segi syarak. Marilah kita mengkaji lebih lanjut ucapan-ucapan mereka:

Sesiapa yang membuat bid'ah dalam Islam dan menganggapnya baik maka dia telah mendakwa Muhammad mengkhianati risalah. Ini kerana Allah telah berfir-man: "Pada hari ini aku telah sempurnakan agama kamu". Apa yang pada hari tersebut tidak menjadi agama, maka dia tidak menjadi agama pada hari ini.

# Perbahasan Ucapan al-Imam al-Syafi'i rahimahullah(204H)[3]

Berkata Ibn Rajab al-Hanbali rahimahullah (795H): al-Syafi'i berkata, "Bid'ah itu ada dua jenis: Bid'ah Mahmudah(dipuji) dan Bid'ah Mazmumah(مذمومة) (dikeji). Apa yang menepati sunnah maka ia dipuji. Apa yang menyanggahi sunnah maka ia dikeji."

"Bid'ah itu ada dua jenis: Bid'ah Mahmudah (dipuji) dan Bid'ah Mazmumah (dikeji). Apa yang menepati sunnah maka ia dipuji. Apa yang menyanggahi sunnah maka ia dikeji." (al-Imam al-Syafi'i) (Ibn Rajab meneruskan) Maksud al-Syafi'i *rahimahullah* ialah seperti yang kita sebutkan sebelum ini, bahawa *Bid'ah Mazmumah* ialah apa yang tiada asal dari syariat untuk dirujuk kepadanya. Inilah bid'ah pada istilah syarak. Adapun *Bid'ah Mahmudah* ialah apa yang bertepatan dengan sunnah. Iaitu apa yang ada baginya asal untuk dirujuk kepadanya. Ia adalah bid'ah dari segi bahasa, bukannya dari segi syarak kerana ia menepati sunnah. [4]

Justeru itu ketika menghuraikan maksud pembahagian bid`ah oleh al-Imam al-Syafi`i, al-Hafizd Ibn Hajar al-`Asqalani*rahimahullah* (852H) berkata:

Maka bid'ah pada ta'rifan syarak adalah dikeji. Ini berbeza dengan (maksud bid'ah dari segi) bahasa di mana setiap yang diada-adakan tanpa sebarang contoh dinamakan bid'ah sama ada dipuji ataupun dikeji.[5]

Antara bukti al-Imam al-Syafi'i tidak memaksudkan bid'ah dalam ibadah sebagai *Bid'ah Mahmudah* ialah bantahan beliau terhadap golongan yang berterusan dalam berzikir secara kuat selepas solat. Amalan ini dianggap *Bid'ah Hasanah*oleh sesetengah pihak.

Ketika mengulas hadith Ibn 'Abbas radhiallahu 'anh:

Sesungguhnya mengangkat suara dengan zikir setelah orang ramai selesai solat fardu berlaku pada zaman Nabi shallallahu 'alaihi wasallam... al-Imam al-Syafi'i dalam kitab utamanya al-Umm berkata: [6]

Pendapatku untuk imam dan makmum hendaklah mereka berzikir selepas selesai solat. Hendaklah mereka mensenyapkan zikir kecuali jika imam mahu dipelajari daripadanya (mengajar bacaan-bacaan zikir tersebut), maka ketika itu dikuatkan zikir. Sehinggalah apabila didapati telah dipelajari daripadanya, maka selepas itu hendaklah dia perlahankan.

Adapun hadith Ibn 'Abbas di atas, al-Imam al-Syafi'i menjelaskan seperti berikut:

وأحسبه إنما جهر قليلا ليتعلّم الناس منه وذلك لأن عامة الروايات التي كتبناها مع هذا وغيرها ليس يذكر فيها بعد التسليم تَهليلٌ ولا تكبير، وقد يذكر أنه ذكر بعد الصلاة بما وصَفْتُ، ويذكر انصرافه بلا ذكر، وذكرت أمُّ سلمة مُكُثّه و لم يذكر جهرا، وأحسبه لم يَمكُثْ إلاّ ليذكر ذكرا غير جهْرٍ. فإن قال قائل: ومثل ماذا؟ قلت: مثل أنه صلّى على المنبر يكون قيامُه وركوعُه عليه وتقهقر حتى يسجد على الأرض، وأكثر عمره لم يصلّ عليه، ولكنه فيما أرى أحب أن يعلم من لم يكن يراه ممن بَعُد عنه كيف القيامُ والركوعُ والرفع. يُعلّمهم أن في ذلك كله سعة. وأستحبُّ أن يذكر الإمام الله شيئا في مجلسه قدر ما يتقدم من انصرف من النساء قليلا كما قالت أم سلمة ثم يقوم وإن قام قبل ذلك أو جلس أطولَ من ذلك فلا شيء عليه، وللمأموم أن ينصرف بعد انصرافِ

Aku berpendapat baginda menguatkan suara (zikir) hanya untuk seketika untuk orang ramai mempelajarinya daripada baginda. Ini kerana kebanyakan riwayat yang telah kami tulis bersama ini[7] atau selainnya, tidak menyebut selepas salam terdapat tahlil\_[8] dan takbir. Kadang-kala riwayat menyebut baginda berzikir selepas solat seperti yang aku nyatakan, kadang-kala disebut baginda pergi tanpa zikir. Umm Salamah pula menyebut duduknya baginda[9] (selepas solat) tetapi tidak menyebut baginda berzikir secara kuat. Aku berpendapat baginda tidak duduk melainkan untuk berzikir secara tidak kuat.

Jika seseorang berkata: "Seperti apa?"[10]. Aku katakan, sepertimana baginda pernah bersolat di atas mimbar, yang mana baginda berdiri dan rukuk di atasnya, kemudian baginda undur ke belakang untuk sujud di atas tanah. Kebanyakan umur baginda, baginda tidak solat di atasnya (mimbar). Akan tetapi aku berpendapat baginda mahu agar sesiapa yang jauh yang tidak melihat baginda dapat mengetahui bagaimana berdiri (dalam solat), rukuk dan bangun (dari rukuk). Baginda ingin mengajar mereka keluasan dalam itu semua.

Aku suka sekiranya imam berzikir nama Allah di tempat duduknya sedikit dengan kadar yang seketika selepas kaum wanita pergi. Ini seperti apa yang Umm Salamah katakan. Kemudian imam boleh bangun. Jika dia bangun sebelum itu, atau duduk lebih lama dari itu, tidak mengapa. Makmum pula boleh pergi setelah imam selesai memberi salam, sebelum imam bangun. Jika dia lewatkan sehingga imam pergi, atau bersama imam, itu lebih aku sukai untuknya.

Nyata sekali al-Imam al-Syafi'i *rahimahullah* tidak menamakan ini sebagai *Bid'ah Hasanah*, sebaliknya beliau berusaha agar kita semua kekal dengan bentuk asal yang dilakukan oleh Nabi *shallallahu 'alaihi wasallam.* 

Seandainya maksud *Bid'ah Mahmudah* yang disebut oleh al-Imam al-Syafi'i merangkumi perkara baru dalam cara beribadah yang dianggap baik, sudah tentu beliau akan memasukkan zikir secara kuat selepas solat dalam kategori *Bid'ah Mahmudah*.

Dengan itu tentu beliau juga tidak akan berusaha menafikannya. Ternyata bukan itu yang dimaksudkan oleh beliau *rahimahullah*.[11]

# → Perbahasan Ucapan al-Imam 'Izz al-Din 'Abd al-Salamrahimahullah (660H)[12]

Dalam kitabnya *Qawa'id al-Ahkam fi Masalih al-Anam* (قواعد الأحكام في مصالح الأنام ) al-Imam 'Izz Abd al-Salam *rahimahullah*membahagikan bid'ah kepada lima kategori:[13]

Bid'ah Wajibah (bid'ah wajib),

Bid'ah Muharramah (bid'ah yang diharamkan),

Bid'ah Mandubah (bid'ah yang disunatkan),

Bid'ah Makruhah (bid'ah makruh) dan

Bid'ah Mubahah (bid'ah yang diharuskan).

Beliau mungkin orang yang paling awal membuat pembahagian ini. Sebenarnya faktor utama yang menyebabkan beliau menyebut bid'ah dalam pembahagian yang sedemikian merujuk kepada ta'rif bid'ah yang disebutnya pada awal buku tersebut yang merangkumi bid'ah dari segi syarak dan bahasa. Buktinya beliau menyebut ta'rif bid'ah dengan berkata: [14]

Bid'ah adalah perbuatan yang tidak ada pada zaman Rasulullah.

Ta'rif beliau begitu luas merangkumi perkara ibadah, cara baru dalam syarak dan urusan keduniaan yang tidak membabitkan penambahan syarak. Sedangkan bid'ah dari segi syarak hanya tertumpu dalam persoalan cara *taqarrub* (menghampirkan diri kepada Allah melalui ibadah) dan perubahan atau penambahan pada jalan syarak.

Ta'rif yang begitu luas tersebut menyebabkan beliau membuat pembahagian ke atas maksud bid'ah sepertimana di atas. Oleh itu kita dapati ketika menyentuh tentang *Bid'ah Wajibah*(bid'ah wajib) beliau berkata:

Bagi bid'ah wajib itu beberapa contoh, salah satu daripadanya ialah menyibukkan diri dengan ilmu nahu yang dengannya difahami kalam Allah (firman Allah, iaitu al-Qur'an) dan kalam Rasulullah shallallahu 'alaihi wasallam (sabda Rasulullah, iaitu hadis).[15]

Faktor yang menyebabkan al-Imam 'Abd al-Salam membahagikan bid'ah kepada 5 kategori ialah kerana beliau pada asalnya menta'rifkan bid'ah dari kedua-dua segi syarak dan bahasa.

Berdasarkan penjelasan al-Imam al-Syatibi *rahimahullah* yang telah kita kaji sebelum ini, jelas bahawa ini tidak termasuk dalam bid'ah dari segi syarak. Marilah kita ulangi apa yang disebut oleh al-Imam al-Syatibi:

Dengan ikatan ini maka terpisahlah (tidak dinamakan bid'ah) segala yang jelas - walaupun bagi orang biasa - rekaan yang mempunyai kaitan dengan agama seperti ilmu nahu, saraf, mufradat bahasa, Usul al-Fiqh, Usul al-Din dan segala ilmu yang berkhidmat untuk syariat. Segala ilmu ini sekalipun tiada pada zaman yang awal tetapi asas-asasnya ada dalam syarak... Justeru itu tidak wajar sama sekali dinamakan ilmu nahu dan selainnya daripada ilmu lisan, ilmu usul atau apa yang menyerupainya yang terdiri daripada ilmu-ilmu yang berkhidmat untuk syariat sebagai bid'ah. Sesiapa yang menamakannya bid'ah, sama ada atas dasar majaz (bahasa) seperti 'Umar bin al-Khattab radhiallahu 'anhyang menamakan "bid'ah" solat orang ramai pada malam-malam Ramadhan atau atas dasar kejahilan dalam membezakan sunnah dan bid'ah, maka pendapatnya tidak boleh dikira dan dipegang.[16]

Dengan itu perbuatan sesetengah pihak mempergunakan pembahagian ini kepada bid'ah-bid'ah yang tidak dimaksudkan oleh al-Imam 'Izz 'Abd al-Salam *rahimahullah* adalah penyelewengan dalam menyalurkan maklumat kepada orang ramai.

Di samping itu perlu ditambah bahawa al-Imam al-Syatibi telah menolak pembahagian yang dibuat oleh al-Imam al-'Izz 'Abd al-Salam dengan katanya:

Sesungguhnya pembahagian ini adalah sesuatu yang hanya direka, tidak ada dalil syar'i yang menunjukkannya. Bahkan ia sendiri saling bercanggahan. Ini kerana hakikat bid'ah ialah sesuatu yang tidak ditunjukkan oleh dalil syar'i, sama ada daripada nas-nas syarak atau kaedah-kaedahnya. Kalau di sana ada dalil daripada syarak yang menunjukkan

wajib, sunat, atau harus, maka itu bukanlah bid'ah. Ia termasuk dalam keumuman amalan yang disuruh atau diberi pilihan. Mencampur aduk dalam menyenaraikan perkara-perkara tersebut adalah bid'ah, iaitu mencampurkan antara perkara yang memiliki dalil yang menunjukkan kepada wajib, sunat atau harus dengan dua lagi (makruh dan haram) yang menyanggahinya.[17]

Maksud al-Imam al-Syatibi, jika ada dalil yang menunjukkan sesuatu perkara itu adalah wajib atau sunat, maka tidak wajar ia dinamakan bid'ah. Lebih tegas lagi, al-Imam al-Syatibi menganggap pembahagian itu sendiri adalah bid'ah.

## → Perbahasan Ucapan al-Imam al-Nawawi rahimahullah(676H)[18]

al-Imam al-Nawawi dalam kitabnya *Tahzib al-Asma* ` wa al-Lughat (والنفات) mengulangi dan menyetujui pembahagian yang dibuat oleh al-Imam al-`Izz `Abd al-Salam*rahimahullah*. Untuk menguatkannya, beliau menambah dalam tulisannya itu apa yang dibahagikan oleh al-Imam al-Syafi'irahimahullah seperti disebutkan sebelum ini.[19]

Jawapan kita terhadap perkara ini sama seperti yang telah disebutkan di atas. Jika diteliti karya-karya al-Imam al-Nawawi *rahimahullah*, beliau tidak pernah menganggap *Bid'ah Hasanah* sebagaimana yang disangka oleh orang ramai masa kini. Di sini dinyatakan beberapa contoh:

#### Pertama:

Di dalam kitabnya *al-Azkar*, al-Imam al-Nawawi*rahimahullah* menyebut:[20]

Ketahui sesungguhnya yang betul lagi terpilih yang menjadi amalan al-Salaf al-Salih radhiallahu 'anhum ialah diam ketika mengiringi jenazah. Jangan diangkat suara dengan bacaan, zikir dan selainnya. Hikmahnya nyata, iaitu lebih menenangkan hati dan menghimpunkan fikiran mengenai apa yang berkaitan dengan jenazah. Itulah yang dituntut dalam keadaan tersebut. Inilah cara yang betul. Jangan kamu terpengaruh dengan banyaknya orang yang menyanggahinya.

Sesungguhnya Abu 'Ali al-Fudail bin 'Iyad *rahimahullah*pernah berkata: "Berpegang dengan jalan petunjuk, jangan engkau tewas disebabkan sedikit yang melaluinya. Jauhilah jalan yang sesat. Jangan engkau terpengaruh dengan banyaknya golongan yang rosak (yang melakukannya)."

..... Adapun apa yang dilakukan oleh golongan jahil di Damsyik, iaitu melanjutkan bacaan al-Quran dan bacaan yang lain ke atas jenazah dan bercakap perkara yang tiada kaitan, ini adalah haram dengan ijma' ulama. Sesungguhnya aku telah jelaskan dalam bab *Adab al-*

Nyata bahawa al-Imam al-Nawawi tidak menamakan perbuatan membacakan al-Qur'an ketika mengiringi jena-Bid ah zah sebagai Hasanah. Maka buatan sesetengah pihak mengiringi jena-zah dengan bacaan al-Fatihah setapak demi setapak sebanyak beberapa kali dibantah berdasar teks imam yang agung ini.

Qiraah tentang keburukannya,besar keharamannya dan kefasikannnya bagi sesiapa yang mampu mengingkarinya tetapi tidak mengingkarinya.

Nyata bahawa al-Imam al-Nawawi *rahimahullah* tidak menamakan perbuatan mem-bacakan al-Qur'an ketika mengiringi jenazah sebagai *Bid*'ah *Hasanah*. Maka perbuatan sesetengah pihak mengiringi jenazah dengan bacaan al-Fatihah setapak demi setapak sebanyak beberapa kali dibantah berdasar teks imam yang agung ini. Pun begitu ramai di kalangan mereka menamakannya *Bid*'ah *Hasanah*.

#### **Kedua:**

Dalam Syarh Sahih Muslim,[21] al-Imam al-Nawawirahimahullah menyebut:[22]

Sesungguhnya yang menjadi sunnah bagi salam dalam solat ialah dengan berkata: السلام عليكم ورحمة الله sebelah kanan, السلام عليكم ورحمة الله sebelah kiri. Tidak disunatkan menambah ورحمة الله Sekalipun ia ada disebut dalam hadith *dhaif* dan diisyaratkan oleh sebahagian ulama. Namun ia adalah satu bid'ah kerana tidak ada hadith yang sahih (yang menganjurkannya). Bahkan yang sahih dalam hadith ini[23] dan selainnya ialah meninggalkan tambahan itu.

Tidakkah penambahan "waBarakatuh" merupakan satu penambahan yang pada zahirnya nampak baik? Jika Bid'ah Hasanah ialah melabelkan semua yang nampak baik pada andaian manusia, tentu al-Imam al-Nawawi menamakan ini sebagai Bid'ah Mustahabbah (yang disunatkan).

#### Ketiga:

Ketika mensyarahkan hadis berikut:

Daripada Abi Hurairah radhiallahu 'anh, daripada Nabi shallallahu 'alaihi wasallam, baginda bersabda: "Jangan kamu mengkhususkan malam Jumaat dengan solat yang berbeza dengan malam-malam yang lain. Jangan kamu mengkhususkan hari Jumaat dengan puasa yang berbeza dengan hari-hari yang lain kecuali ia dalam (bilangan hari) puasa yang seseorang kamu berpuasa."[24]

al-Imam al-Nawawi rahimahullah berkata: [25]

Pada hadith ini larangan yang nyata bagi mengkhususkan malam Jumaat dengan sesuatu solat yang tiada pada malam-malam yang lain dan puasa pada siangnya seperti yang telah dinyatakan. Sepakat para ulama akan kemakruhannya. Para ulama berhujah dengan hadith ini mengenai kesalahan solat bid'ah yang dinamakan *Solat al-Raghaib*[26]. Semoga Allah memusnahkan pemalsu dan pereka solat ini. Ini kerana sesungguhnya ia adalah bid'ah yang munkar daripada jenis bid'ah yang sesat dan jahil. Padanya kemunkaran yang nyata. Sesungguhnya sejumlah para ulama telah mengarang karangan yang berharga sebegitu banyak dalam memburukkannya dan menghukum sesat orang menunaikan solat tersebut dan perekanya. Para ulama telah menyebut dalil-dalil keburukannya, kebatilannya dan kesesatan pembuatnya.

Perhatikan bahawa al-Imam al-Nawawi *rahimahullah*tidak menamakan solat sunat yang tidak wujud dalam hadith sebagai *Bid'ah Hasanah*. Bahkan beliau menghukum sebagai sesat. Ketika ditanya mengenai solat ini (*Solat al-Raghaib*),al-Imam al-Nawawi pernah berkata:

Bid'ah yang buruk lagi sangat munkar... jangan terpengaruh dengan ramai yang melakukannya di banyak negeri. Juga jangan terpengaruh disebabkan ia disebut dalam *Qut al-Qulub* dan *Ihya 'Ulum al-Din*.[27]

#### **Keempat:**

Dalam *al-Majmu' Syarh al-Muhazzab* (المجموع شرح المهذب), al-Imam al-Nawawi *rahimahullah* menyetujui tokoh-tokoh mazhab al-Syafi'i yang membantah jamuan atau kenduri sempena kematian. Katanya: [28]

"Adapun menyediakan makanan oleh keluarga si mati dan menghimpunkan orang ramai kepadanya adalah tidak diriwayatkan daripada Nabi *shallallahu 'alaihi wasallam* sedikit pun. Ia adalah bid'ah yang tidak disukai."

al-Imam al-Nawawi tidak menamakan amalan penyediaan makanan oleh keluarga si mati dan menghimpunkan orang ramai padanya sebagai satu *Bid'ah Hasanah*. Bahkan kitab-kitab mazhab al-Syafi'i begitu kuat menentang hal ini.[29]

## ◆ Perbahasan Ucapan al-Imam al-Sayuti rahimahullah(911H)[30]

al-Imam al-Sayuti (السيوطي) telah menulis kitab khas berhubung dengan bid`ah yang berjudul *al-Amr bi al-Ittiba' wa al-Nahy 'an al-Ibtida'* (الأمر بالاتباع والنهي عن ) Di dalamnya beliau menyebut maksud *Bid`ah Hasanah,* katanya:

Bid'ah Hasanah disepakati keharusan membuatnya. Juga disunatkan demi mengharapkan pahala bagi sesiapa yang baik niatnya. Iaitu setiap pembuatan bid'ah yang bertepatan dengan kaidah-kaidah syarak tanpa menyanggahinya sedikit pun. Perbuatannya tidak menyebabkan larangan syarak. Ini seperti membina mimbar, benteng pertahanan, sekolah, rumah (singgahan) musafir dan sebagainya yang terdiri dari jenis-jenis kebaikan yang tidak ada pada zaman awal Islam. Ini kerana ia bertepatan dengan apa yang dibawa oleh syariat yang memerintahkan membuat yang ma'ruf, tolong menolong dalam kebaikan dan tagwa.[31]

Seperti yang telah dinyatakan sebelum ini, apa yang disebut di atas tidak sepatutnya dinamakan bid'ah sama sekali. Bahkan ia termasuk dalam perkaraperkara yang disuruh dalam agama. Namun persoalan yang lebih penting adalah, apakah al-Imam al-Sayuti *rahimahullah* akan menganggap sesetengah perbuatan yang dianggap *Bid'ah Hasanah* pada hari ini sebagai satu *Bid'ah Hasanah*? Untuk memastikan hal ini marilah kita lihat beberapa contoh:

#### Pertama:

Sebagaimana al-Imam al-Nawawi dan lain-lain tokoh, al-Imam al-Sayuti turut menolak solat sunat *Raghaib*. Beliau berkata: [32]

Ketahuilah olehmu, semoga Allah merahmatimu, sesungguhnya membesarkan hari tersebut dan malamnya (hari dan malam Jumaat pertama bulan Rejab) hanya perkara baru yang dibuat dalam Islam selepas 400 tahun. Diriwayatkan mengenainya hadith yang palsu dengan sepakat ulama yang mengandungi kelebihan berpuasa pada siangnya dan bersolat pada malamnya. Mereka menamakan solat *Raghaib* ... Ketahuilah sesungguhnya solat yang bid'ah ini menyanggahi kaedah-kaedah Islam dalam beberapa bentuk.

Perhatikan bahawa al-Imam al-Sayuti *rahimahullah* tidak menamakan solat ini sebagai *Bid*'ah *Hasanah* sekalipun ia disebut dalam beberapa kitab seperti *Ihya* '*Ulum al-Din.* Jika setiap yang dianggap baik dilabelkan sebagai *Bid*'ah *Hasanah*maka solat ini juga patut dianggap *Bid*'ah *Hasanah*. Namun mengada-adakan perkara baru dalam cara ibadah bukanlah*Bid*'ah *Hasanah*.

#### Kedua:

Berkata al-Imam al-Sayuti *rahimahullah* ketika membantah amalan *Nisfu Sya'ban*:[33]

Apa yang memuliakan bulan Sya'ban ialah amalan Rasulullah shallallahu 'alaihi wasallam berpuasa pada kebanyakan harinya. Hadith-hadith Nabi shallallahu 'alaihi wasallam dan athar para sahabat yang diriwayatkan menunjukkan ia malam yang ada kelebihan, (namun) tiada padanya solat yang khusus.

Jelas bahawa solat sunat khusus bersempena *Nisfu Sya'ban* tidak dianggap oleh al-Imam al-Sayuti sebagai *Bid*'ah *Hasanah*.

# Ketiga:

Berkata al-Imam al-Sayuti *rahimahullah* berkenaan melafazkan niat sebelum solat:[34]

... Daripada bid'ah (yang saiyyah) itu adalah, was-was dalam niat solat. Itu bukan daripada perbuatan Nabi *shallallahu 'alaihi wasallam* dan para sahabat baginda. Mereka tidak pernah melafaz sedikit pun niat solat melainkan hanya (terus) takbir. Allah telah berfirman:

# لْقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ

"Sesungguhnya bagi kamu pada Rasulullah itu contoh yang baik." [al-Ahzab 33:21]

Walaupun sesetengah pihak ada yang berpendapat menyebut lafaz niat dalam solat sebagai *Bid'ah Hasanah*, namun tokoh mazhab al-Syafi'i yang terkenal ini tidak menganggapnya sedemikian. Ini kerana ia adalah sesuatu yang tidak dilakukan oleh Nabi *shallallahu 'alaihi wasallam*mahupun para sahabat baginda.

# 🥟 Kesimpulan Perbincangan

Perbincangan kita di atas secara jelas menunjukkan telah berlaku salah faham di kalangan masyarakat, termasuk di kalangan para penceramah dan agamawan, terhadap istilah Bid'ah Hasanah yang digunakan oleh para tokoh mazhab al-Syafi'i rahimahumullah. Apa yang dimaksudkan oleh para tokoh tersebut adalah jauh berbeza. Oleh itu adalah wajar untuk merujuk semula kepada apa yang ditulis oleh tokoh-tokoh ini.

- [4] Ibn Rajab al-Hanbali, Jami' al-'Ulum wa al-Hikam (جامع العلوم والحكم), jld. 2, m.s. 52.
- [5] Ibn Hajar al-'Asqalani, Fath al-Bari, jld. 15, m.s. 179.
- al-Syafi'i, Mausu'at al-Imam al-Syafi'i: al-Umm (موسوعة الإمام الشافعي), jld. 1, m.s. 353.

[8] Tahlil maksudnya ialah ucapan: لا إله إلا الله.

[9] Maksud al-Imam al-Syafi'i ialah hadith riwayat Umm Salamah yang beliau sebutkan pada awal bab berkenaan:

كان رسول الله صلى الله عليه وسلم إذا سلم من صلاته قام النساء حين يقضي تسليمه ومكث النبي صلى الله عليه وسلم في مكانه يسيرا قال ابن شهاب فنرى مكثه ذلك والله أعلم لكي ينفذ النساء قبل أن يدركهن من انصرف من القوم

Diriwayatkan oleh Abu Daud dan al-Tirmizi, berkata al-Tirmizi: "Hadis ini hasan sahih". Juga diriwayatkan oleh Ibn Majah dan al-Darimi dalam kitab *Sunan*mereka. Demikian juga oleh Ibn Hibban dalam *Shahih*nya dan al-Hakim dalam *al-Mustadrak* dengan menyatakan: "Hadith ini sahih". Ini dipersetujui oleh al-Imam al-Zahabi (*Tahqiq al-Mustadrak*, jld. 1, m.s. 288).

<sup>[2]</sup> al-Syatibi, *al-I'tishom*, m.s. 35.

Beliau ialah Abu 'Abd Allah Muhammad bin Idris bin 'Abbas al-Qurasyi. Lahir di Ghazzah, Palestin pada tahun 150H. Kata al-Imam Ahmad bin Hanbal: "Sesungguhnya Allah melimpahkan untuk manusia pada setiap permulaan seratus tahun orang yang mengajar mereka sunnah dan menafikan pembohongan terhadap Rasulullah shallallahu 'alaihi wasallam. Kami dapati pada seratus pertama 'Umar bin 'Abd al-'Aziz dan pada seratus kedua al-Syafi'i." (al-Sayuti, Tabaqat al-Huffaz, jld. 1, m.s. 157)

<sup>[7]</sup> Maksud al-Imam al-Syafi'i ialah yang beliau tulis dalam dalam bab Kalam al-Imam Julusihi Ba'd al-Salam yang mana beliau telah mengemukakan beberapa hadith yang menunjukkan baginda tidak menguatkan (کلام الإمام وجلوسه بعد السلام) suara ketika zikir selepas solat.

Adalah Rasulullah shallallahu 'alaihi wasallam apabila memberi salam dari solat maka kaum wanita akan bangun apabila baginda selesai memberi salam. Nabi shallallahu 'alaihi wasallam pula duduk sekejap ditempatnya selepas solat.

Kata Ibn Syihab: Kami berpendapat – Allah lebih mengetahui – tujuannya agar kaum wanita dapat pergi sebelum kaum lelaki keluar. Hadith ini turut diriwayatkan oleh al-Bukhari, Muslim, al-Nasai, Abu Daud, Ibn Majah dan lain-lain.

- [10] Maksudnya, apakah contoh perkara yang pernah baginda lakukan hanya seketika kemudian setelah orang ramai mempelajarinya baginda tinggalkan. al-Imam al-Syafi'i menyebut contoh ini untuk menyokong pendapat beliau bahawa zikir selepas solat secara kuat hanya dilakukan oleh baginda pada seketika sahaja, kemudian zikir baginda berzikir secara perlahan.
- Oleh itu perlu dibetulkan salah faham sesetengah pihak yang mendakwa sesiapa yang tidak berzikir secara kuat selepas solat ialah orang-orang yang tidak mengikut Mazhab al-Syafi'i. Ternyata bahawa dakwaan mereka adalah salah, bahkan menunjukkan pihak yang mendakwa itu tidak meneliti kitab al-Imam al-Syafi'i.
- Beliau lahir pada 577H atau 578H, bermazhab al-Syafi'i. Seorang tokoh ulama yang masyhur, pernah menjadi khatib masjid Damsyik dan pernah memegang jawatan ketua hakim Mesir. (Abu Taiyyib, *Zail al-Taqyid*, jld. 2, m.s. 128).
- [13] 'Izz al-Din 'Abd al-Salam, *Qawa'id al-Ahkam fi Masalih al-Anam*, jld. 2, m.s. 133.
- [14] Qawa 'id al-Ahkam fi Masalih al-Anam, jld. 2, m.s. 133.
- [15] Qawa 'id al-Ahkam fi Masalih al-Anam, ild. 2, m.s. 133.
- [16] al-Syatibi, *al-I'tishom*, m.s. 27-28. (nukilan berpisah)
- [17] al-I'tishom, m.s. 145-146.
- al-Imam al-Nawawi ialah seorang tokoh besar mazhab al-Syafi'i. Namanya Yahya bin Syaraf, lahir pada 631H. Menulis pelbagai karangan yang bermanfaat. Antara yang lazim dijadikan buku pengajian di majlis-majlis tempatan ialah*Hadis* 40 Imam Nawawi dan Riyadus Salihin. (al-Sayuti, Tabaqat al-Huffaz, jld. 1, m.s. 513)
- [19] al-Nawawi, Tahzib al-Asma` wa al-Lughat, jld. 3, m.s. 21.
- [20] al-Nawawi, *al-Azkar*, m.s. 225-226. (nukilan berpisah)
- [21]<="" span="">. Namun ia lebih dikenali dengan nama ringkas: شرح صحيح مسلم.
- [22] al-Nawawi, Syarh Shahih Muslim, jld. 1, m.s. 115.
- [23] Maksudnya hadith dalam *Shahih Muslim* yang tidak menyebut penambahan itu.
- [24] Rujuk Shahih Muslim hadith no: 1144 (Kitab Puasa, Bab tegahan berpuasa hanya pada hari Jumaat).
- [25] al-Nawawi, Syarh Shahih Muslim, jld. 3, m.s. 211.
- Iaitu solat yang dilakukan pada malam Jumaat pertama bulan Rejab. Sedih sekali amalan dan hadith palsu ini digalakkan dan disebut di dalam kitab *Ihya 'Ulum al-Din*. al-Hafizd Zain al-Din al-'Iraqi *rahimahullah* (806H) ketika men*takhrij* kitab*al-Ihya* telah memberitahu kepalsuan hadith ini. (*Ihya 'Ulum al-Din* bersama *takhrij*al-Hafizd al-'Iraqi, jld. 1, m.s. 268). Semoga Allah mengampuni kita dan al-Imam al-Ghazali *rahimahullah* (505H). Kita bersangka baik kepadanya dengan menganggap beliau tidak mengetahui hadith ini palsu. Ini kerana beliau bukan ahli dalam bidang hadith seperti yang dinyatakan oleh tokoh-tokoh hadith yang lain.
- [27] Nukilan berpisah daripada buku 'Ali Hasan 'Ali, Kitab al-Ihya 'Ulum al-Din fi al-Mizan, m.s. 21.
- [28] al-Majmu' Syarh al-Muhazzab, jld. 5, m.s. 320.
- [29] Antaranya Ibn Naqib dalam *Anwar al-Masalik* (أنوار المساك) menyebut: "Apa yang dilakukan oleh keluarga si mati dengan menyediakan makanan dan menghimpunkan manusia kepadanya (makanan) adalah bid'ah". (m.s. 182).

- Beliau imam yang masyhur, 'Abd al-Rahman bin Abi Bakr al-Misri. Bermazhab al-Syafi'i. Lahir pada 849H. Membesar di Kaherah. Pakar dalam berbagai ilmu. Pada umurnya 40 tahun, beliau mengasingkan diri dan menulis berbagai karya. ('Umar Kahalah (کحالة), Mu'jam al-Muallifin (معجم المؤلفين), jld. 2, m.s. 82).
- [31] al-Sayuti, al-Amr bi al-Ittiba' wa al-Nahy 'an al-Ibtida', m.s. 25.
- [32] al-Amr bi al-Ittiba' wa al-Nahy 'an al-Ibtida', m.s. 52 & 54 (nukilan berpisah)
- [33] al-Amr bi al-Ittiba' wa al-Nahy 'an al-Ibtida', m.s. 57.
- [34] al-Amr bi al-Ittiba' wa al-Nahy 'an al-Ibtida', m.s. 100.

# BAB 3: SALAH FAHAM TERHADAP UCAPAN 'UMAR AL-KHATTAB DAN HADITH SUNNAH HASANAH.

- Salah Faham Terhadap Ucapan 'Umar al-Khattab
- Salah Faham Terhadap Hadith Sunnah Hasanah
- Kesimpulan Perbincangan

Dalam usaha mem-pertahankan tindakan-tindakan yang dianggap bid'ah di sisi syarak, sesetengah pihak menggunakan beberapa riwayat sebagai bukti bahawa diharuskan membuat bid'ah selagi mana ia dipandang baik oleh pembuatnya. Antara yang masyhur ialah ucapan 'Umar Ibn Khattabradhiallahu 'anh yang menyebut"sebaik-baik bid'ah" untuk Solat Tarawih berjamaah dan perkataan"Sunnah Hasanah" dalam sebuah hadith Rasulullah shallallahu 'alaihi wasallam. Bab ini akan menjelaskan kekeliruan yang berkaitan dengan riwayat-riwayat tersebut.

Dalam usaha mempertahankan tindakan-tindakan yang dianggap
bid'ah di sisi syarak,
sesetengah pihak
menggunakan beberapa
riwayat sebagai bukti
bahawa diharuskan
membuat bid'ah selagi
mana ia dipandang baik
oleh pembuatnya.

# > Salah Faham Terhadap Ucapan 'Umar al-Khattab

Sesetengah pihak cuba berdalil dalam membolehkan bid'ah dengan menyatakan bahawa Saiyyidina 'Umar*radhiallahu 'anh* turut telah membuat bid'ah. Mereka berkata, pada zaman Nabi *shallallahu 'alaihi wasallam* tidak ada *Solat Tarawih* berjamaah lalu 'Umar melakukannya dan menyatakannya sebagai: "Sebaik-baik bid'ah" (نعمت البدعة هذه).

Yang mereka maksudkan ialah apa yang diriwayatkan oleh al-Imam al-Bukhari dalam *Shahih*nya dan al-Imam Malik dalam *al-Muwattha'*:

عَنْ عَبْدِالرَّحْمَنِ بْنِ عَبْدِ الْقَارِيِّ أَنَّهُ قَالَ: خَرَجْتُ مَعَ عُمَرَ بْنِ الْخَطَّابِ رَضِي اللَّه عَنْهِم لَيْلَةً فِي رَمَضَانَ إِلَى الْمَسْجِدِ. فَإِذَا النَّاسُ أَوْزَاعُ مُتَفَرِّقُونَ يُصَلِّي الرَّجُلُ لِنَفْسِهِ وَيُصَلِّي الرَّجُلُ فَيُصَلِّي فِي رَمَضَانَ إِلَى الْمَسْجِدِ. فَإِذَا النَّاسُ أُوزَاعُ مُتَفَرِّقُونَ يُصلِّي الرَّجُلُ لِنَفْسِهِ وَيُصلِّي الرَّجُلُ فَيُصلِّي فِي رَمَضَانَ إِلَى الْمَسْجِدِ. فَإِذَا النَّاسُ أَوْزَاعُ مُتَفَدَّ هَؤُلاَءِ عَلَى قَارِئِ وَاحِدٍ لَكَانَ أَمْثَلَ ثُمَّ عَزَمَ فَحَمَعَهُمْ عَلَى الرَّعُ وَاحِدٍ لَكَانَ أَمْثَلَ ثُمَّ عَزَمَ فَحَمَعَهُمْ عَلَى أَبِي أَرَى لَوْ جَمَعْتُ هَؤُلاَءِ عَلَى قَارِئِ وَاحِدٍ لَكَانَ أَمْثَلَ ثُمَّ عَرَرَ اللَّهُ عَرَبُ اللَّهُ عَمَرُ: نِعْمَ الْبِدْعَةُ عَلَى أَبِي بَنِ كَعْبِ. ثُمَّ خَرَجْتُ مَعَهُ لَيْلَةً أُحْرَى وَالنَّاسُ يُصَلَّونَ بِصَلاَةٍ قَارِئِهِمْ. قَالَ عُمَرُ: نِعْمَ الْبِدْعَةُ عَلَى أَبِي يَتُومُونَ النَّاسُ يَقُومُونَ أَوَّلَهُ. هَذِهِ وَالَّتِي يَنَامُونَ عَنْهَا أَفْضَلُ مِنِ الَّتِي يَقُومُونَ. يُرِيدُ آخِرَ اللَّيْلِ وَكَانَ النَّاسُ يَقُومُونَ أَوَّلَهُ.

Daripada 'Abd al-Rahman bin 'Abd al-Qari, katanya: Pada satu malam di bulan Ramadan aku keluar bersama dengan 'Umar bin al-Khattab radhiallahu 'anh ke masjid. Di dapati orang ramai berselerakan. Ada yang solat bersendirian, ada pula yang bersolat dan sekumpulan (datang) mengikutinya.

'Umar berkata: "Jika aku himpunkan mereka pada seorang imam adalah lebih baik." Kemudian beliau melaksanakannya maka dihimpunkan mereka dengan (diimamkan oleh) Ubai bin Ka'ab. Kemudian aku keluar pada malam yang lain, orang ramai bersolat dengan imam mereka (Ubai bin Ka'ab).

Berkata 'Umar: "Sebaik-baik bid'ah adalah perkara ini, sedangkan yang mereka tidur (solat pada akhir malam) lebih dari apa yang mereka bangun (awal malam)."[1]

Berdasarkan riwayat di atas, ada yang tersalah sangka dengan menganggap 'Umar bin al-Khattab adalah orang yang pertama memulakan *Solat Tarawih* secara berjamaah. Maka dirumuskan bahawa ia adalah satu perbuatan bid'ah yang dianggap baik oleh 'Umar. Justeru boleh membuat bid'ah di dalam ibadah asalkan ia dilakukan dengan niat yang baik.

Sebenarnya rumusan seperti ini muncul kerana kurang membaca hadith-hadith Nabi *shallallahu* 'alaihi wasallam. Nabi*shallallahu* 'alaihi wasallam pernah melakukan *Solat Tarawih*secara berjamaah dan ini jelas tertera dalam kitab-kitab hadith, seperti dalam *Shahih al-Bukhari* dan *Shahih Muslim*. Hadith yang dimaksudkan berasal daripada 'Aisyah *radhiallahu* 'anha:

أَنَّ رَسُولَ اللَّهِ صَلَّى اللَّه عَلَيْهِ وَسَلَّمَ خَرَجَ لَيْلَةً مِنْ جَوْفِ اللَّيْلِ فَصَلَّى فِي الْمَسْجِدِ وَصَلَّى النَّاسُ فَتَحَدَّثُوا. فَاجْتَمَعَ أَكْثَرُ مِنْهُمْ فَصَلَّى فَصَلَّوْا مَعَهُ. فَأَصْبَحَ النَّاسُ فَتَحَدَّثُوا. فَاجْتَمَعَ أَكْثَرُ مِنْهُمْ فَصَلَّى فَصَلَّوْا مَعَهُ. فَأَصْبَحَ النَّاسُ فَتَحَدَّثُوا. فَكُثُرَ أَهْلُ الْمَسْجِدِ مِنَ اللَّيْلَةِ الثَّالِثَةِ فَخَرَجَ رَسُولُ اللَّهِ صَلَّى اللَّه عَلَيْهِ وَسَلَّمَ فَصَلَّى فَصَلَّوْا بِصَلاَتِهِ. فَلَمَّا كَانَتِ اللَّيْلَةُ الرَّابِعَةُ عَجَزَ الْمَسْجِدُ عَنْ أَهْلِهِ حَتَّى خَرَجَ لِصَلاَةِ الصَّبْحِ. فَلَمَّا قَضَى الْفَجْرَ أَقْبَلَ فَلَمَّا كَانَتِ اللَّيْلَةُ الرَّابِعَةُ عَجَزَ الْمَسْجِدُ عَنْ أَهْلِهِ حَتَّى خَرَجَ لِصَلاَةِ الصَّبْحِ. فَلَمَّا قَضَى الْفَجْرَ أَقْبُلَ عَلَى النَّاسِ فَتَشَهَّدَ ثُمَّ قَالَ: أَمَّا بَعْدُ فَإِنَّهُ لَمْ يَخْفَ عَلَيَّ مَكَانُكُمْ وَلَكِنِّي حَشِيتُ أَنْ تُفْتَرَضَ عَلَيْكُمْ عَلَى النَّاسِ فَتَشَهَّدَ ثُمَّ قَالَ: أَمَّا بَعْدُ فَإِنَّهُ لَمْ يَخْفَ عَلَيَّ مَكَانُكُمْ وَلَكِنِّي حَشِيتُ أَنْ تُفْتَرَضَ عَلَيْكُمْ عَلَى النَّاسِ فَتَشَهَّدَ ثُمَّ قَالَ: أَمَّا بَعْدُ فَإِنَّهُ لَمْ يَخْفَ عَلَيَّ مَكَانُكُمْ وَلَكِنِي خَشِيتُ أَنْ تُفْتَرَضَ عَلَيْكُمْ وَلَكِنِي خَشِيتُ أَنْ تُفْتَرَضَ عَلَيْكُمْ وَلَكِنِي خَشِيتُ أَنْ تُفَتَرَضَ عَلَيْهِ وَسَلَّمَ وَالأَمْرُ عَلَى ذَلِكَ

Sesungguhnya Rasulullah shallallahu 'alaihi wasallam keluar pada suatu pertengahan malam. Baginda solat di masjid (Masjid Nabi). Beberapa orang mengikut solat baginda (menjadi makmum). Pada pagi (esoknya) orang ramai bercerita mengenainya. Maka berkumpullah lebih ramai lagi orang (pada malam kedua). Baginda bersolat dan mereka ikut solat bersama. Pada pagi (esoknya) orang ramai bercerita mengenainya. Maka bertambah ramai ahli masjid pada malam ketiga. Rasulullah shallallahu 'alaihi wasallam keluar bersolat dan mereka ikut solat bersama.

Apabila malam keempat, masjid menjadi tidak muat dengan ahli. (Baginda tidak keluar) sehingga pada waktu solat subuh. Selesai solat subuh, baginda mengadap orang ramai, bersyahadah seraya bersabda: "Amma ba'd, sesungguhnya bukan aku tidak tahu penantian kalian (di masjid pada malam tadi) tetapi aku bimbang difardukan (Solat Tarawih) ke atas kalian lalu kalian tidak mampu.[2]Hal sebegini berlaku sehingga Rasulullah shallallahu 'alaihi wasallam wafat.[3]

Dalam sebahagian riwayat al-Bukhari dan Muslim disebut: "...yang demikian berlaku pada bulan Ramadhan."(وذلك في رمضان) [4]

Hadith ini dengan jelas menunjukkan Nabi shallallahu 'alaihi wasallam adalah yang pertama memulakan SolatTarawih secara berjamaah dengan satu imam. Walaubagaimanapun baginda tidak melakukannya secara berterusan, bukan kerana ia perbuatan yang salah tetapi kerana bimbang ia menjadi satu kewajipan. Apabila Rasulullahshallallahu 'alaihi wasallam wafat, kebimbangan ini tidak wujud lagi, maka dengan itu 'Umar meneruskan semula Solat Tarawih secara berjamaah. Justeru 'Umar al-Khattab bukanlah orang yang pertama memulakannya secara berjamaah.

al-Imam al-Syatibi rahimahullah menegaskan:

Renungi hadith ini. Ia menunjukkan kedudukan *Solat Tarawih* adalah sunat. Sesungguhnya solat baginda pada peringkat awal menjadi dalil menunjukkan kesahihan menunaikannya di masjid secara berjamaah pada bulan Ramadan. Baginda tidak keluar selepas itu adalah kerana bimbang ia difardukan. Ini tidak menunjukkan ia dilarang secara mutlak kerana zaman baginda ialah zaman wahyu dan *tasyri'* (perundangan) (sehingga) ada kemungkinan akan diwahyukan kepada baginda sebagai satu kewajipan jika manusia mengamalkannya. Apabila telah hilang'illah al-tasyri' [5] dengan wafatnya Rasulullah *shallallahu 'alaihi wasallam* maka ia kembali kepada asalnya. [6]

Timbul persoalan seterusnya, mengapakah Abu Bakrradhiallahu 'anh tidak menghimpunkan orang ramai untuk melakukan *Solat Tarawih* secara berjamaah? Untuk mengetahui jawapannya, kita merujuk sekali lagi kepada penjelasan al-Imam al-Syatibi *rahimahullah*:

Adapun (sebab) Abu Bakr tidak mendirikannya adalah kerana salah satu daripada berikut, sama ada (pertama) dia berpendapat solat orang ramai pada akhir (malam) lebih afdal padanya dari dihimpunkan mereka dengan satu imam pada awal malam. Ini disebut oleh al-Turtusyi (الطرطشي) ataupun (kedua) disebabkan kesempitan waktu pemerintahannya [7] untuk melihat perkaraperkara cabang seperti ini sedangkan beliau sibuk dengan golongan murtad dan selainnya yang mana lebih utama daripada Solat Tarawih.[8]

Timbul persoalan kedua, kenapakah 'Umar al-Khattab*radhiallahu* 'anh menggelar hal tersebut sebagai satu bid'ah? Sekali lagi, penjelasan al-Imam al-Syatibi *rahimahullah*menjadi rujukan:

Dia menamakannya bid'ah hanya disebabkan pada zahirnya kerana Rasulullah *shallallahu 'alaihi wasallam* telah meninggalkannya dan sepakat pula ia tidak berlaku pada zaman Abu Bakr *radhiallahu 'anh.* Ia bukanlah bid'ah pada makna (syarak). Sesiapa yang menamakan bid'ah disebabkan hal ini, maka tiada perlu perbalahan dalam meletakkan nama. Justeru itu tidak boleh berdalil dengannya untuk menunjukkan keharusan membuat bid'ah.[9]

'Umar menamakan

Solat Tarawih berjamaah
pada zamannya sebagai
bid'ah hanya disebabkan
pada zahirnya. Ini kerana
Rasulullah telah meninggalkannya dan sepakat pula
ia tidak berlaku pada zaman
Abu Bakr radhiallahu 'anh.
Ia bu-kanlah bid'ah pada
makna (syarak). Jika hendak
di-ukur pada makna syarak,
ia sebenarnya adalah
Sunnah.

Jelaslah ucapan 'Umar bukanlah merujuk kepada bid'ah yang dilarang oleh syarak tetapi merujuk kepada bid'ah yang dimaksudkan dari segi bahasa atau keadaan. Ini kerana Rasulullahshallallahu 'alaihi wasallam telah melakukan Solat Tarawih secara berjamaah lalu berhenti disebabkan faktor penghalang yang dinyatakan tadi. Apabila faktor penghalang telah hilang, maka 'Umar menghidupkannya semula. Justeru itu beliau menamakannya bid'ah. Perkataan bid'ah yang digunakan oleh 'Umar *radhiallahu 'anh* hanya merujuk pada segi bahasa, tidak pada segi syarak. Dari segi syarak, ia adalah Sunnah kerana merupakan sesuatu yang pernah berlaku sebelumnya pada zaman Rasulullah shallallahu 'alaihi wasallam.

# 🦫 Salah Faham Terhadap Hadith Sunnah Hasanah

Terdapat sebuah hadith yang disering disalah fahami bagi membolehkan amalan bid`ah. Hadith yang dimaksudkan ialah apa yang diriwayatkan oleh Imam Muslim:

مَنْ سَنَّ فِي الإِسْلاَمِ سُنَّةً حَسَنَةً فَعُمِلَ بِهَا بَعْدَهُ كُتِبَ لَهُ مِثْلُ أَجْرِ مَنْ عَمِلَ بِهَا وَلاَ يَنْقُصُ مِنْ أَجُورِهِمْ شَيْءً. وَمَنْ سَنَّ فِي الإِسْلاَمِ سَنَّةً سَيِّئَةً فَعُمِلَ بِهَا بَعْدَهُ كُتِبَ عَلَيْهِ مِثْلُ وِزْرِ مَنْ عَمِلَ بِهَا وَلاَ يَنْقُصُ مِنْ أَوْزَارِهِمْ شَيْءً. يَنْقُصُ مِنْ أَوْزَارِهِمْ شَيْءً.

Sesiapa yang memulakan dalam Islam sunnah yang baik lalu ia diamalkan selepas itu, ditulis untuknya (pahala) seperti pahala orang yang mengamalkannya tanpa dikurangkan pahala mereka (para pengamal itu) sedikit pun. Sesiapa yang memulakan dalam Islam sunnah yang jahat lalu ia diamalkan selepas itu ditulis untuknya (dosa) seperti dosa orang yang mengamalkannya tanpa dikurangkan dosa mereka (para pengamal itu) sedikit pun.[10]

Hadith ini dijadikan bukti bahawa tidak mengapamelakukan bid'ah asalkan ia baik. Ini adalah bukti yang salah hasil daripada kefahaman yang salah. Kefahaman yang benar dapat diperoleh dengan merujuk kepada Sabab al-Wurud (سبب الورود) bagi hadith ini. Jika dalam pengajian tafsir ada bab yang dinamakan Sabab al-Nuzul, maka dalam hadith ia dinamakan Sabab al-Wurud atau Sabab Wurud al-Hadith. Saya ta'rifkan Sabab Wurud al-Hadith sebagai:

Apa yang membawa kepada kewujudan hadith pada hari-hari kemunculannya[11]

Kadang-kala sebab ter-bitnya sesuatu hadith sangat mempengaruhi maksud hadith. Kesala-han dalam memahami sebab terbitnya hadith boleh membawa kepada kesalahan faham kepada maksud hadith.

Maksudnya, faktor yang menyebabkan sesebuah hadith itu terbit daripada Nabi shallallahu 'alaihi wasallam. Dalam kata lain, faktor-faktor yang menyebabkan baginda mengucapkan sesuatu ucapan, melakukan sesuatu perbuatan atau mengakui sesuatu tindakan. Memahami sebab-sebab yang menyebabkan terbitnya sesebuah hadith adalah sangatpenting bagi mengelakkan kita daripadameletakkan hadith tidak pada tempatnya. Ini kerana kadang-kala sebab terbitnya sesuatu hadith sangat mempengaruhi maksud hadith.

Kesalahan dalammemahami sebab terbitnya hadith boleh membawa kepada kesalahan faham kepada maksud hadith. Umpamanya hadith yang di atas ada *Sabab al-*Wurudnya dan ini boleh dirujuk dalam hadith itu sendiri dalam bentuknya yang lengkap:

عَنْ جَرِيرِ بْنِ عَبْدِ اللَّهِ قَالَ: جَاءَ نَاسٌ مِنَ الأَعْرَابِ إِلَى رَسُولِ اللَّهِ صَلَّى اللَّه عَلَيْهِ وَسَلَّمَ. عَلَيْهِمُ الصُّوفُ. فَرَأَى سُوءَ حَالِهِمْ. قَدْ أَصَابَتْهُمْ حَاجَةٌ. فَحَثَّ النَّاسَ عَلَى الصَّدَقَةِ. فَأَبْطَئُوا عَنْهُ حَتَّى عَلَيْهِمُ الصُّوفُ. فَرَأَى سُوءَ حَالِهِمْ. قَدْ أَصَابَتْهُمْ حَاجَةٌ. فَحَثَّ النَّاسَ عَلَى الصَّدَقَةِ. فَأَبْطَئُوا عَنْهُ حَتَّى رُئِي ذَلِكَ فِي وَجْهِهِ. قَالَ: ثُمَّ إِنَّ رَجُلاً مِنَ لأَنْصَارِ جَاءَ بِصُرَّةٍ مِنْ وَرِقٍ. ثُمَّ جَاءَ آخَرُ ثُمَّ تَتَابَعُوا حَتَّى رُئِي ذَلِكَ فِي وَجْهِهِ. عَلَى السُّرُورُ فِي وَجْهِهِ.

فَقَالَ رَسُولُ اللَّهِ صَلَّى اللَّه عَلَيْهِ وَسَلَّمَ: مَنْ سَنَّ فِي الإِسْلاَمِ سُنَّةً خَسَنَةً فَعُمِلَ بِهَا بَعْدَهُ كُتِبَ لَهُ مِثْلُ أَجْرِ مَنْ عَمِلَ بِهَا وَلاَ يَنْقُصُ مِنْ أُجُورِهِمْ شَيْءٌ. وَمَنْ سَنَّ فِي الإِسْلاَمِ سُنَّةً سَيِّئَةً فَعُمِلَ بِهَا بَعْدَهُ كُتِبَ عَلَيْهِ مِثْلُ وِزْرِ مَنْ عَمِلَ بِهَا وَلاَ يَنْقُصُ مِنْ أُوزَارِهِمْ شَيْءٌ.

Daripada Jarir bin 'Abd Allah katanya: Datang sekumpulan Arab Badawi kepada Rasulullah shallallahu 'alaihi wasallam. Mereka memakai pakaian bulu. Baginda melihat buruknya keadaan mereka. Mereka ditimpa kesusahan. Baginda menggesa orang ramai bersedekah. Namun mereka lambat melakukannya sehingga kelihatan kemarahan pada wajah baginda. (Kata Jarir) Kemudian seorang lelaki daripada golongan Ansar datang dengan sebekas perak (dan mensedekahkannya). Kemudian datang seorang yang lain pula, kemudian orang ramai datang (bersedekah) berturutturut. Sehingga terlihat kegembiraan pada wajah baginda.

(Melihat yang sedemikian) Rasulullah shallallahu 'alaihi wasallam bersabda: Sesiapa yang memulakan dalam Islam sunnah yang baik lalu ia diamalkan selepas itu, ditulis untuknya (pahala) seperti pahala orang yang mengamalkannya tanpa dikurangkan pahala mereka (para pengamal itu) sedikit pun. Sesiapa yang memulakan dalam Islam sunnah yang jahat lalu ia diamalkan selepas itu ditulis untuknya (dosa) seperti dosa orang yang mengamalkannya tanpa dikurangkan dosa mereka (para pengamal itu) sedikit pun.[12]

Dengan merujuk Sabab al-Wurud dalam hadis di atas, kita dapat mengetahui bahawa "Sunnah Hasanah" yang dimaksudkan merujuk kepada sedekah yang dianjurkan oleh Nabi shallallahu 'alaihi wasallam. Ia bukannya satu perbuatan yang tidak memiliki asal usul di dalam syariat.

Memulakannya tidak bermaksud memulakan amalan baru, sebaliknya bermaksud memulakan langkah atau tindakan bagi perkara yang sudah ada asal usulnya.

Lebih lanjut, marilah kita merujuk kepada penjelasan al-Syeikh 'Ali Mahfuz[13] dalam kitabnya al-Ibda' fi Madarr al-Ibtida' (الإبتداع ketika menjawab kekeliruan orang-orang yang menjadikan hadith ini sebagai hujah bagi membolehkan bid'ah:[14]

Jawapan terhadap kekeliruan ini ialah, bukanlah maksud memulakan sunnah itu membuat rekaan (baru). Namun maksudnya (ialah memulakan) amalan yang thabit (pasti) daripada sunnah Nabi shallallahu 'alaihi wasallam ... Sesungguhnya sebab yang kerananya terbit hadith ini ialah sedekah yang disyariatkan ... (lalu disebut hadith di atas secara lengkap) ... hadith ini menunjukkan bahawa yang dikatakan sunnah di sini seperti apa yang dilakukan sahabat tersebut yang membawa sebekas perak. Dengan sebabnya terbukalah pintu sedekah dengan cara yang lebih nyata sedangkan sedekah memang disyariatkan dengan kesepakatan ulama'. Maka jelas maksudnya ("Sesiapa yang memulakan Sunnah Hasanah ") di sini jalah sesiapa

yang dimaksudkan
merujuk kepada sedekah
yang dianjurkan oleh
Nabi. Ia bukannya satu
perbuatan yang tidak
memiliki asal usul di
dalam syariat.
Memulakannya tidak
bermaksud memulakan
amalan baru, sebaliknya
memulakan langkah atau
tindakan bagi perkara
yang sudah ada asal

usulnya.

"Sunnah Hasanah"

memulakan Sunnah Hasanah...") di sini ialah sesiapa
yang beramal. Ini kembali kepada hadith ( من أحيا سنة قد أميتت بعدي فإن له من
....). [15] Seakan-akan sunnah itu sedang tidur maka sahabat radhiallahu
'anhberkenaan menggerakkannya dengan perbuatannya. Bukan maksudnya
mengadakan sunnah yang (sebelumnya) tidak pernah ada.

نزهة المتقين شرح رياض Dalam Nuzhah al-Muttaqin Syarh Riyad al-Salihin ( نزهة المتقين شرح رياض ) karya Dr. Mustafa al-Bugha[16] dan rakan-rakannya, dijelaskan:[17]

Hadith ini dianggap sebagai asal dalam menentukan *Bid'ah Hasanah* dan *Saiyyiah*. Bersegeranya sahabat, berlumba dan bersaing, dalam bersedekah adalah *Bid'ah Hasanah* –seperti yang disebut oleh

Nabi *shallallahu 'alaihi wasallam*. Dari sini difahami bahawa apa yang dikatakan *Bid'ah Hasanah* itu adalah sesuatu yang pada asalnya disyarakkan seperti sedekah.

## Berkata al-Syeikh Muhammad bin Salih al-'Utsaimin*rahimahullah* (1421H)[18]:[19]

Jika kita mengetahui sebab (terbitnya) hadith ini dan meletakkan maknanya dengan betul, maka jelas bahawa yang dimaksudkan dengan "memulakan sunnah" di sini ialah memulakan amal. Bukan memulakan tasyri' (syariat baru). Ini kerana tasyri'hanya boleh dimulakan oleh Allah dan Rasul-Nya. Maksud hadith "sesiapa yang memulakan" ialah memulakan amal dengannya dan orang ramai mencontohinya... atau boleh dimaksudkan juga sesiapa yang memulakan jalan yang baik yang menyampaikan kepada ibadah lalu orang ramai mencontohinya. Ini seperti menulis buku, meletakkan bab-bab ilmu, membina sekolah dan sebagainya dimana ia adalah jalan kepada perkara yang dituntut syarak. Apabila seorang insan memulakan jalan yang membawa kepada perkara yang dituntut oleh syarak dan jalan itu pula tidak terdiri daripada yang dilarang, maka dia termasuk dalam hadith ini. Jika makna hadith adalah seperti yang disalah fahami, iaitu seorang insan boleh membuat apa jua syariat yang dia mahu, bererti agama Islam belum sempurna pada (pengakhir) hayat Rasulullah shallallahu 'alaihi wasallam.

# 🦫 Kesimpulan Perbincangan

Sebagai kesimpulan perbincangan, sekali lagi ditegaskan bahawa maksud hadith "...memulakan dalam Islam sunnah yang baik (Sunnah Hasanah)..." ialah memulakan perkara yang sudah sedia memiliki asal usul di dalam syarak seperti sedekah yang dianjurkan oleh Nabi shallallahu 'alaihi wasallam.

(الموطأ) al-Imam Malik – hadith no: 231 (Kitab seruan kepada solat, Bab apa yang berkenaan solat pada malam Ramadhan).

<sup>[1]</sup> Rujuk Shahih al-Bukhari – hadith no: 2010 (Kitab Solat Tarawih, Bab keutamaan orang yang beribadah pada malam

Ramadhan) dan al-Muwattha'

Saya katakan, Allah tidak mungkin menfardukan sesuatu yang manusia tidak mampu. Namun maksud Rasulullah *shallallahu 'alaihi wasallam* ialah baginda bimbang umat Islam akan gagal atau cuai melakukannya lalu mereka berdosa. Baginda bersifat mengasihi umat, lalu mengelakkan dari ia diwajibkan oleh Allah.

<sup>[3]</sup> Rujuk Shahih Muslim – hadith no: 761 (Kitab solat musafir dan menqasarkannya, Bab anjuran bersolat pada malam Ramadhan)

<sup>[4]</sup> Rujuk Shahih al-Bukhari – hadith no: 2011 (Kitab Solat Tarawih, Bab keutamaan orang yang beribadah pada malam Ramadhan)

<sup>[5] &#</sup>x27;Illah al-Tasyri' (علة التشريع) bermaksud punca yang menyebabkan diletakkan sesuatu perundangan atau hukum. Dalam kes ini, punca baginda mengelak solat tersebut berjamaah secara berterusan ialah bimbang ia menjadi kewajipan. Baginda tidak ingin membebankan umat dengan suatu kewajipan baru, dibimbangi mereka akan cuai dan akhirnya berdosa.

- [7] Saiyyidina Abu Bakr *radhiallahu 'anh* hanya sempat memerintah dua tahun tiga bulan. (Ibn Kathir, *al-Bidayah wa al-Nihayah* (البداية والنهاية), jld. 7, m.s. 18)
- [8] al-Syatibi, *al-I'tishom*, m.s. 147-148.
- [9] al-Syatibi, al-I'tishom, m.s. 148.
- [10] Rujuk Shahih Muslim hadith no: 1017 (Kitab Zakat, Bab suruhan bersedekah sekalipun dengan setengah biji tamar...).
- Saya sebut "saya ta'rifkan" kerana penulisan para ulama terdahulu tidak meletakkan ta'rif yang jelas dan kaedah-kaedah yang tetap dalam ilmu ini sekalipun mereka ada menyebut tentang kepentingannya. *Alhamdulillah* saya telah memperolehi Ph.D dengan menulis tesis dalam subjek ini berjudul: *Sabab Wurud al-Hadith: Dirasat Tahliliyyah bi tarkiz khas* 'ala Dawabit wa Ma'ayir

(سبب ورود الحديث: دراسة تحليلية بتركيز خاص على الضوابط والمعايير) dan menggunakan ilmu ini. Kaedah-kaedah ini adalah kesimpulan daripada penulisan para ulama hadith dan fikh terdahulu dan sekarang yang muktabar.

- [12] Rujukan yang sama sebelumnya, Shahih Muslim hadith no: 1017(Kitab Zakat, Bab suruhan bersedekah sekalipun dengan setengah biji tamar...).
- al-Syeikh 'Ali Mahfuz semasa hidupnya adalah anggota Pembesar 'Ulama Universiti al-Azhar. Buku tulisan beliau ini bertujuan memerangi bid'ah yang banyak berlaku dalam masyarakat. Buku ini mendapat pengiktirafan para ulama al-Azhar dan dijadikan sukatan silibus pelajaran. Beliau meninggal dunia pada tahun 1942. Sila lihat pujian dan pengiktirafan untuk buku ini dalam edisi cetakan Dar al-Kutub al-'Ilmiyyah, Beirut.
- [14] 'Ali Mahfuz, al-Ibda' fi Madarr al-Ibtida', m.s. 128-129. (nukilan berpisah)
- [15] Hadith yang dimaksudkan ialah:

Sesiapa selepasku yang menghidupkan satu sunnah dari sunnahku yang telah mati, maka baginya pahala seperti orang yang beramal dengannya dengan tidak dikurangkan pahala mereka sedikitpun. Hadith ini diriwayatkan oleh al-Tirmizi dan Ibn Majah. al-Tirmizi menghasankannya. Akan tetapi yang benar hadis ini tertolak kerana kedua-duanya meriwayatkannya daripada jalan Kathir bin 'Abd Allah, beliau matruk iaitu dianggap pendusta atau pereka hadith. Justeru itu penilaian yang dibuat oleh al-Imam al-Tirmizi dipertikaikan. Berkata al-Munzirirahimahullah (656H): "Bagi hadith ini ada syawahid (lafaz-lafaz hadith lain yang menyokongnya)." (al-Munziri, al-Tarhib wa al-Targhib, jld. 1, m.s. 47).

- [16] Beliau ialah seorang tokoh semasa yang masyhur, bermazhab al-Syafi'i.
- [17] Dr. Mustafa al-Bugha, Nuzhah al-Muttaqin Syarh Riyad al-Salihin, jld. 1, m.s. 160.
- [18] Beliau ialah Abu 'Abd Allah Muhammad bin al-Shalih bin Muhammad bin al-'Utsaimin, seorang ahli fiqh yang terkenal daripada Arab Saudi. Banyak mengarang dan merupakan salah seorang ahli panel majlis fatwa Arab Saudi.
- [19] Muhammad bin Salih al-'Utsaimin, Alfaz wa Mafahim (ألفاظ ومفاهيم), m.s. 53.

- ጆ BAB 4: AMARAN MENGADAKAN BID'AH.
- Amaran daripada al-Qur'an tentang bid'ah
- Amaran daripada al-Sunnah tentang bid'ah
- Amaran daripada para ulama' tentang bid'ah

Islam adalah agama wahyu dan bukan agama ciptaan manusia. Perbuatan menokok tambah (bid'ah) dalam agama boleh menghilangkan ketule-nannya, sehingga menyebabkan orang ramai tidak akan dapat membezakan antara ajaran asal yang bersumber daripada Allah dengan yang ditokok tambah oleh manusia. Terdapat banyak hujah daripada al-Quran, al-Sunnah dan para ulama yang memberi amaran agar tidak menokok tambah dalam agama. Berikut ini dikemukakan sebahagian daripada hujah-hujah tersebut:

Amaran daripada al-Qur'an tentang bid'ah:

#### Pertama:

Firman Allah Subhanahu wa Ta'ala:

Allah dengan yang ditokok tambah oleh manusia.

Islam adalah agama

wahyu dan bukan agama

ciptaan manusia. Perbuatan

meno-kok tambah (bid'ah)

dalam agama boleh

ketulenannya, sehingga

menyebabkan orang ramai

tidak akan dapat membe-

zakan antara ajaran asal

yang bersumber daripada

meng hilangkan

Patutkah mereka mempunyai sekutu-sekutu yang menentukan - mana-mana bahagian dari ugama mereka - sebarang undangundang yang tidak diizinkan oleh Allah?[al-Syura 42:21]

#### Kedua:

Firman Allah Subhanahu wa Ta'ala:

Oleh itu, hendaklah mereka yang mengingkari perintahnya, beringat serta berjaga-jaga jangan mereka ditimpa bala bencana, atau ditimpa azab seksa yang tidak terperi sakitnya. [al-Nur 24:63]

## Ketiga:

Firman Allah Subhanahu wa Ta'ala:

Katakanlah: "Sesungguhnya Tuhanku hanya mengharamkan perbuatan-perbuatan yang keji, sama ada yang nyata atau yang tersembunyi; dan perbuatan dosa; dan perbuatan menceroboh dengan tidak ada alasan yang benar; dan (diharamkan-Nya) kamu mempersekutukan sesuatu dengan Allah sedang Allah tidak menurunkan sebarang bukti (yang membenarkannya); dan (diharamkanNya) kamu memperkatakan terhadap Allah sesuatu yang kamu tidak mengetahuinya." [al-A'raaf 7:33]

# Amaran daripada al-Sunnah tentang bid'ah:

Hadith Nabi *shallallahu 'alaihi wasallam* yang memberi amaran kepada pembuat dan pengamal bid'ah sangat banyak jumlahnya. Kebanyakan para penyusun kitab hadith tidak ketinggalan memasukkan satu bab khas mengenainya di dalam kitab-kitab mereka. Di sini disebutkan beberapa riwayat, antaranya:

#### Pertama:

Sabda Nabi shallallahu 'alaihi wasallam:

Sesungguhnya sesiapa yang hidup selepasku akan melihat perselisihan yang banyak. Maka hendaklah kalian berpegang kepada sunnahku dan sunnah al-Khulafa al-Rasyidin al-Mahdiyyin (mendapat petunjuk). Berpeganglah dengannya dan gigitlah ia dengan geraham. Jauhilah kamu perkara-perkara yang diada-adakan (dalam agama) kerana setiap yang diada-adakan itu adalah bid'ah dan setiap bid'ah adalah sesat.[1]

Maksud "...gigitlah ianya dengan geraham..." ialah peganglah ianya dengan bersungguh-sungguh serta bersabarlah dengannya.[2]

#### Kedua:

Sabda Nabi shallallahu 'alaihi wasallam:

"Sesiapa yang membuat perkara baru dalam urusan kami ini (Islam) apa yang bukan daripadanya maka ianya tertolak."[3]

### **Ketiga:**

Sabda Nabi shallallahu 'alaihi wasallam:

".....Sesungguhnya Bani Israil berpecah kepada 72 puak dan umatku akan berpecah kepada 73 puak. Kesemua mereka dalam neraka kecuali satu puak". Mereka (para sahabat) bertanya: "Apakah puak itu wahai Rasulullah?" Jawab baginda: "Apa yang aku dan para sahabatku berada di atasnya."[4]

## **Keempat:**

Abu Musa al-Asy'ari radhiallahu 'anh berkata:

صَلَيْنَا المَغْرِبَ مَعَ رَسُولِ اللهِ صلى الله عليه وسلم ثُمَّ قُلْنَا: لَوْ جَلَسْنَا حَتَّى نُصَلِّى مَعَهُ الْعَشَاءَ قَالَ: فَجَلَسْنَا فَخَرَجَ عَلَيْنَا فَقَالَ: "مَا زِلْتُمْ هَهُنَا؟" قُلْنَا: يَا رَسُولَ اللهِ صَلَيْنَا مَعَكَ الْمَغْرَبَ ثُمَّ قُلْنَا: يَا رَسُولَ اللهِ صَلَيْنَا مَعَكَ الْمَغْرَبَ ثُمَّ قُلْنَا: نَجْلِسُ حَتَّى نُصَلَّى مَعَكَ الْعِشَاءَ. قَال: "أَحْسَنْتُمْ أَوْ أَصَبْتُمْ" قَالَ: فَرَفَعَ رَأْسَهُ إِلَى السَّماء وَكَانَ كَثِيرًا مِمَّا يَرْفَعُ رَأْسَهُ إِلَى السَّماء مَا تُوعَدُ، وَأَنا مِمَّا يَرْفَعُ رَأْسَهُ إلى السَّماء مَا تُوعَدُ، وأَنا مَمَّا يَرْفَعُ رَأْسَهُ إلى السَّماء فَقَالَ: "النُّجُومُ أَمَنَا للسَّماء فَإِذَا ذَهَبَ النَّجُومُ أَتِي السَّماء مَا تُوعَدُ، وأَنا أَمْنَا لَهُ اللَّهُ وَمُ أَتِي السَّماء مَا تُوعَدُ، وأَنا أَمْنَا لَهُ اللَّهُ وَمُ أَتِي السَّماء مَا تُوعَدُونَ وَأَصْحَابِى أَمَنَا لَا اللَّهُ وَمُ أَتِي السَّماء مَا يُوعَدُونَ وَأَصْحَابِى أَمَنَا لَا اللَّهُ وَمُ أَتِي الْعَرْفَى مَا يُوعَدُونَ وَأَصْحَابِى أَمَنَا لَا لَا اللهُ اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللَّهُ اللَّهُ عَلَى اللَّهُ اللَّهُ عَلَى اللَّهُ عَلَى اللَّهُ عَلَى اللَّهُ اللَّهُ عَلَى اللَّهُ اللَّهُ اللَّهُ عَلَى اللَّهُ عَلَى اللَّهُ اللَّهُ عَلَى اللَّهُ اللَّهُ عَلَى اللْعَلَى اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللَّهُ اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللْعَلَى اللَّهُ عَلَى اللْعَلَى اللَّهُ الْعَلَى اللَّهُ عَلَى اللَّهُ الْعَلَى اللَّهُ اللَّهُ اللَّهُ عَلَى اللَّهُ عَلَى اللَّهُ عَلَى اللَّهُ الْعَلَى اللَّهُ عَلَى اللَّهُ عَلَى اللَّهُ عَلَى اللَّهُ اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللَّهُ اللَّهُ اللَّهُ اللَّهُ عَلَى اللَّهُ عَلَى اللَّهُ اللَّهُ اللَّهُ اللَّهُ ا

"Kami telah menunaikan solat Maghrib bersama dengan Rasulullah shallallahu 'alaihi wasallam. Kemudian kami berkata: "Kalaulah kita tunggu sehingga kita dapat bersolat Isyak bersama baginda." Maka kami tunggu sehingga baginda keluar kepada kami lalu bersabda, "Kamu semua masih di sini?" Jawab kami: "Wahai Rasulullah! Kami telah menunaikan solat Maghrib bersama engkau kemudian kami berkata, mari kita duduk sehingga kita dapat bersolat Isyak bersamamu." Sabda baginda: "Kamu semua telah melakukan sesuatu yang baik lagi betul."

Kemudian baginda mengangkat kepalanya (melihat) ke langit dan ramailah yang mengangkat kepala (melihat) ke langit lalu baginda bersabda: "Bintang-bintang tersebut adalah penyelamat langit. Apabila perginya bintang-bintang tersebut maka akan didatangilah langit apa yang telah dijanjikan untuknya. Aku adalah penyelamat sahabat-sahabatku. Apabila aku telah pergi maka akan didatangilah sahabat-sahabatku apa yang telah dijanjikan untuk mereka. Sahabat-sahabatku pula adalah penyelamat umatku. Apabila perginya sahabat-sahabatku maka akan didatangilah umatku apa yang dijanjikan untuk mereka."[5]

Berkata al-Imam al-Nawawi rahimahullah: [6]

Maksud ungkapan "sahabat-sahabatku adalah penyelamat umatku" ialah mereka menyelamatkan umat dari zahirnya bid'ah, mengadaadakan perkara baru dalam agama, fitnah terhadap agama, zahirnya syaitan, Rum dan selainnya ke atas mereka.

# Amaran daripada para ulama' tentang bid'ah:

Para ulama', terdiri daripada para sahabat dan para tokoh dulu dan kini, turut memberi amaran tentang bid 'ah. Di sini disebutkan tiga contoh, satu daripada seorang sahabat, satu daripada seorang tokoh terdahulu dan satu daripada seorang tokoh terkini:

#### Pertama: Amaran 'Abd Allah bin Mas'ud.

'Abd Allah bin Mas'ud *radhiallahu 'anh* adalah sahabat Nabi *shallallahu 'alaihi wasallam* yang begitu terkenal dengan keilmuan dan kefahamannya dalam agama. al-Imam al-Darimi*rahimahullah* (255H) meriwayatkan amaran serta bantahan beliau terhadap bid'ah berzikir secara kumpulan yang muncul pada zamannya:

عَنْ عمرو بن سلمة قَالَ: كُنَّا نَجْلِسُ عَلَى بَابِ عَبْدِ اللَّهِ بْنِ مَسْعُودٍ قَبْلَ صَلاَةِ الْغَدَاةِ فَإِذَا خَرَجَ مَشْيْنَا مَعَهُ إِلَى الْمَسْجِدِ فَجَاءَنَا أَبُو مُوسَى الْأَشْعَرِيُّ فَقَالَ أَخَرَجَ إِلَيْكُمْ أَبُو عَبْدِ الرَّحْمَنِ بَعْد؟ قُلْنَا: لاَ! فَجَلَسَ مَعَنَا حَتَّى خَرَجَ فَلَمَّا خَرَجَ قُمْنَا إلَيْهِ جَمِيعًا.

فَقَالَ لَهُ أَبُو مُوسَى يَا أَبَا عَبْدِ الرَّحْمَنِ إِنِّي رَأَيْتُ فِي الْمَسْجِدِ آنِفًا أَمْرًا أَنْكَرْتُهُ وَلَمْ أَرَ وَالْحَمْدُ لِلَّهِ إِلاَّ حَيْرًا. قَالَ: فَمَا هُو؟ فَقَالَ: إِنْ عِشْتَ, فَسَتَرَاهُ. قَالَ: رَأَيْتُ فِي الْمَسْجِدِ قَوْمًا حِلَقًا جُلُوسًا لِلَّهِ إِلاَّ حَيْرًا. قَالَ: فَمَا هُو؟ فَقَالَ: إِنْ عِشْتَ, فَسَتَرَاهُ. قَالَ: رَأَيْتُ فِي الْمَسْجِدِ قَوْمًا حِلَقًا جُلُوسًا أَيْدِيهِمْ حَصًى, فَيَقُولُ: كَبِّرُوا مِائَةً, فَيُكَبِّرُونَ مِائَةً. فَيَقُولُ: يَنْتَظِرُونَ الصَّلاَةَ, فِي كُلِّ حَلْقَةٍ رَجُلٌ وَفِي أَيْدِيهِمْ حَصًى, فَيَقُولُ: كَبِّرُوا مِائَةً, فَيُكَبِّرُونَ مِائَةً. فَيُسَبِّحُونَ مِائَةً. قَالَ: فَمَاذَا قُلْتَ لَهُمْ؟ قَالَ: مَا قُلْتُ هَلِّكُوا مِائَةً. فَيُسَبِّحُونَ مِائَةً. فَيُسَبِّحُونَ مِائَةً. فَيُسَبِّحُونَ مِائَةً. فَيُسَبِّحُونَ مِائَةً. فَيُسَبِّحُونَ مِائَةً فَيْسَبِّحُونَ مِائَةً لَيْكُونَ مِائَةً وَالْمَارَ أَمْرِكَ. لَهُمْ شَيْعًا انْتِظَارَ رَأَيكَ وَانْتِظَارَ أَمْرِكَ.

قَالَ: أَفَلاَ أَمَرْتَهُمْ أَنْ يَعُدُّوا سَيِّئَاتِهِمْ, وَضَمِنْتَ لَهُمْ أَنْ لاَ يَضِيعَ مِنْ حَسَنَاتِهِمْ. ثُمَّ مَضَى وَمَضَيْنَا مَعَهُ حَتَّى أَتَى حَلْقَةً مِنْ تِلْكَ الْحِلَقِ فَوَقَفَ عَلَيْهِمْ, فَقَالَ: مَا هَذَا الَّذِي أَرَاكُمْ تَصْنَعُونَ؟ قَالُوا: يَا أَبَا عَبْدِ الرَّحْمَنِ حَصًى نَعُدُّ بِهِ التَّكْبِيرَ وَالتَّهْلِيلَ وَالتَّسْبِيحَ. قَالَ: فَعُدُّوا سَيِّئَاتِكُمْ, فَأَنَا ضَامِنٌ أَنْ لاَ يَا أَبَا عَبْدِ الرَّحْمَنِ حَصًى نَعُدُّ بِهِ التَّكْبِيرَ وَالتَّهْلِيلَ وَالتَّسْبِيحَ. قَالَ: فَعُدُّوا سَيِّئَاتِكُمْ, فَأَنَا ضَامِنٌ أَنْ لاَ يَضِيعَ مِنْ حَسَنَاتِكُمْ شَيْءٌ, وَيْحَكُمْ يَا أُمَّةً مُحَمَّدٍ مَا أَسْرَعَ هَلَكَتَكُمْ! هَوُلاَءِ صَحَابَةُ نَبِيّكُمْ صَلَّى اللّه يَضِيعَ مِنْ حَسَنَاتِكُمْ شَيْءٌ, وَيْحَكُمْ يَا أُمَّةً مُحَمَّدٍ مَا أَسْرَعَ هَلَكَتَكُمْ! هَوُلاَءِ صَحَابَةُ نَبِيكُمْ صَلَّى اللّه عَلَيْهِ وَسَلَّمَ مُتَوَافِرُونَ, وَهَذِهِ ثِيَابُهُ لَمْ تَبْلَ, وَآنِيتُهُ لَمْ تُكْسَرْ, وَالَّذِي نَفْسِي بِيَدِهِ إِنَّكُمْ لَعَلَى مِلَّةٍ هِي عَلَيْهِ وَسَلَّمَ مُتُوَافِرُونَ, وَهَذِهِ ثِيَابُهُ لَمْ تَبْلَ, وَآنِيتُهُ لَمْ تُكْسَرْ, وَالَّذِي نَفْسِي بِيَدِهِ إِنَّكُمْ لَعَلَى مِلَّةٍ هِي اللهُ مُتَوَافِرُونَ, وَهَذِهِ ثِيَابُهُ لَمْ تَبْلَ, وَآنِيتُهُ لَمْ تُكُمْرَ وَالَّذِي نَفْسِي بِيَدِهِ إِنَّكُمْ لَعَلَى مِلَةٍ هِي أَعْدُو بَابِ ضَلاَلَةٍ؟!

قَالُوا: وَاللَّهِ يَا أَبَا عَبْدِ الرَّحْمَنِ مَا أَرَدْنَا إِلاَّ الْخَيْرَ. قَالَ: وَكَمْ مِنْ مُرِيدٍ لِلْحَيْرِ لَنْ يُصِيبَهُ. إِنَّ وَاللَّهِ مَا أَدْرِي رَسُولَ اللَّهِ صَلَّى اللَّه عَلَيْهِ وَسَلَّمَ حَدَّثَنَا أَنَّ قَوْمًا يَقْرَءُونَ الْقُرْآنَ لاَ يُجَاوِزُ تَرَاقِيَهُمْ وَايْمُ اللَّهِ مَا أَدْرِي رَسُولَ اللَّهِ صَلَّى اللَّه عَلَيْهِ وَسَلَّمَ حَدَّثَنَا أَنَّ قَوْمًا يَقْرَءُونَ الْقُرْآنَ لاَ يُجَاوِزُ تَرَاقِيَهُمْ وَايْمُ اللَّهِ مَا أَدْرِي لَنَّ اللَّهِ مَا أَدْرِي لَوْ اللَّهِ مَا أَدْرِي لَكُمْ اللَّهِ مَا قَدْرِي عَنْهُمْ.

فَقَالَ عَمْرُو بْنُ سَلَمَةَ: رَأَيْنَا عَامَّةَ أُولَئِكَ الْحِلَقِ يُطَاعِنُونَا يَوْمَ النَّهْرَوَانِ مَعَ الْخَوَارج.

Daripada 'Amr bin Salamah[7] katanya: "Satu ketika kami duduk di pintu 'Abd Allah bin Mas'ud sebelum solat subuh. Apabila dia keluar, kami akan berjalan bersamanya ke masjid. Tiba-tiba datang kepada kami Abu Musa al-Asy'ari, lalu bertanya: "Apakah Abu 'Abd al-Rahman[8]telah keluar kepada kamu?" Kami jawab: "Tidak!". Maka dia duduk bersama kami sehingga 'Abd Allah bin Mas'ud keluar. Apabila dia keluar, kami semua bangun kepadanya.

Lalu Abu Musa al-Asy'ari berkata kepadanya: "Wahai Abu 'Abd al-Rahman, aku telah melihat di masjid tadi satu perkara yang aku tidak bersetuju, tetapi aku tidak lihat – alhamdulilah – melainkan ianya baik". Dia bertanya: "Apakah ia?". Kata Abu Musa: "Jika umur kamu panjang engkau akan melihatnya. Aku melihat satu puak, mereka duduk dalam lingkungan (halaqah) menunggu solat. Bagi setiap lingkungan (halaqah) ada seorang lelaki (ketua kumpulan), sementara di tangan mereka yang lain ada anak-anak batu. Apabila lelaki itu berkata: Takbir seratus kali, mereka pun bertakbir seratus kali. Apabila dia berkata: Tahlil seratus kali, mereka pun bertahlil seratus kali. Apabila dia berkata: Tasbih seratus kali, mereka pun bertasbih seratus kali." Tanya 'Abd Allah bin Mas'ud: "Apa yang telah kau katakan kepada mereka?". Jawabnya: "Aku tidak kata kepada mereka apa-apa kerana menanti pandangan dan perintahmu".

Berkata 'Abd Allah bin Mas'ud: "Mengapa engkau tidak menyuruh mereka mengira dosa mereka dan engkau jaminkan bahawa pahala mereka tidak akan hilang sedikit pun". Lalu dia berjalan, kami pun berjalan bersamanya. Sehinggalah dia tiba kepada salah satu daripada lingkungan berkenaan. Dia berdiri lantas berkata: "Apa yang aku lihat kamu sedang lakukan ini?" Jawab mereka: "Wahai Abu 'Abd al-Rahman! Batu yang dengannya kami menghitung takbir, tahlil dan tasbih". Jawabnya: "Hitunglah dosadosa kamu, aku jamin pahala-pahala kamu tidak hilang sedikit pun. Celaka kamu wahai umat Muhammad! Alangkah cepat kemusnahan kamu. Para sahabat Nabi masih lagi ramai, baju baginda belum lagi buruk dan bekas makanan dan minuman baginda pun belum lagi pecah. [9] Demi yang jiwaku berada di tangan-Nya[10], apakah kamu berada di atas agama yang lebih mendapat petunjuk daripada agama Muhammad, atau sebenarnya kamu semua pembuka pintu kesesatan?"

Jawab mereka : "Demi Allah wahai Abu 'Abd al-Rahman, kami hanya bertujuan baik." Jawabnya : "Betapa ramai yang bertujuan baik, tetapi tidak menepatinya." Sesungguhnya Rasulullah shallallahu 'alaihi wasallam telah menceritakan kepada kami satu kaum yang membaca al-Quran namun tidak lebih dari kerongkong mereka. [11]Demi Allah aku tidak tahu, barangkali kebanyakan mereka dari kalangan kamu." Kemudian beliau pergi.

Berkata 'Amr bin Salamah: "Kami melihat kebanyakan puak tersebut bersama Khawarij memerangi kami pada hari Nahrawan."[12]

Lihatlah bagaimana 'Abd Allah bin Mas'ud *radhiallahu 'anh* membantah perbuatan ibadah kumpulan ini walaupun mereka pada asalnya memiliki niat dan pandangan yang baik. Pada zahirnya tiada yang buruk pada perbuatan mereka. Namun oleh kerana ia merupakan ibadah yang tidak ada contoh daripada Nabi *shallallahu 'alaihi wasallam* maka ia ditolak. Bahkan 'Abd Allah bin Mas'ud memberi amaran betapa perbuatan bid'ah yang kecil akan mengheret seseorang kepada bid'ah yang lebih besar. 'Abd Allah bin Mas'ud menggambarkan mereka akan menyertai Khawarij yang sesat. Justeru itu 'Abd Allah bin Mas'ud juga pernah menyebut: [13]

Sederhana dalam sesuatu sunnah lebih baik daripada bersungguh sungguh dalam sesuatu bid'ah .

Sesungguhnya bid'ah yang kecil adalah pembawa kepada bid'ah yang besar.

#### Kedua: Amaran al-Imam Malik Bin Anas

Seorang lelaki telah datang kepada al-Imam Malik*rahimahullah* (179H)[14] dan berkata:[15]

"Wahai Abu 'Abd Allah (gelaran al-Imam Malik) daripada mana aku patut berihram?" Jawab al-Imam Malik: "Daripada Zu Hulaifah (فو خليفة) di mana tempat yang Rasulullah berihram." Kata lelaki itu: "Aku ingin berihram daripada Masjid Nabi." Jawab al-Imam Malik: "Jangan buat (demikian)." Kata lelaki itu lagi: "Aku ingin berihram daripada kubur Nabi shallallahu 'alaihi

wasallam." Jawab al-Imam Malik: "Jangan buat (demikian), aku bimbang menimpa ke atas dirimu fitnah." Tanya lelaki itu: "Apa fitnahnya? Ia hanya jarak yang aku tambah."

Jawab al-Imam Malik:

Apakah lagi fitnah yang lebih besar daripada engkau melihat bahawa engkau telah mendahului satu kelebihan yang Rasulullah shallallahu 'alaihi wasallam telah menguranginya. Sesungguhnya aku telah mendengar Allah berfirman: (maksudnya) "Oleh itu, hendaklah mereka yang mengingkari perintahnya, beringat serta berjaga-jaga jangan mereka ditimpa bala bencana, atau ditimpa azab seksa yang tidak terperi sakitnya. [al-Nur 24:63]

Perhatikan bahawa sekalipun lelaki tersebut ingin berihram daripada tempat yang begitu baik iaitu Masjid Nabi atau kubur baginda shallallahu 'alaihi wasallam, al-Imam Malikrahimahullah membantahnya disebabkan ia adalah ibadah yang tidak dilakukan oleh Nabi. Beliau menyatakan ini adalah fitnah kerana seakan-akan lelaki itu menganggap dia dapat melakukan ibadah yang lebih baik daripada Nabi shallallahu 'alaihi wasallam.

## Ketiga: Amaran al-Syeikh Dr Yusuf al-Qaradawi:

Ditanya kepada al-Syeikh Dr. Yusuf al-Qaradawi, semoga Allah memeliharanya, mengenai amalan *Nisfu Sya'ban*. Beliau menjawab:[16]

Tidak pernah diriwayatkan daripada Nabi shallallahu 'alaihi wasallam dan para sahabat bahawa mereka berhimpun di masjid untuk menghidupkan malam Nisfu Sya'ban, membaca do'a tertentu dan solat tertentu seperti yang kita lihat pada sebahagian negeri orang Islam. Bahkan di sebahagian negeri, orang ramai berhimpun pada malam tersebut selepas maghrib di masjid. Mereka membaca surah Yasin dan solat dua raka'at dengan niat panjang umur, dua rakaat yang lain pula dengan niat tidak bergantung kepada manusia, kemudian mereka membaca do'a yang tidak pernah dipetik dari golongan salaf (para sahabah, tabi'in dan tabi' tabi'in). Ianya satu do'a yang panjang yang menyanggahi nusus (nas-nas al-Quran dan al-Sunnah), juga bercanggahan dan bertentang maknanya...

Perhimpunan (malam *Nisfu Sya'ban*) seperti yang kita lihat dan dengar berlaku di sebahagian negeri orang Islam adalah bid'ah dan diada-adakan. Sepatutnya kita melakukan ibadat sekadar yang dinyatakan dalam nas. Segala kebaikan itu ialah mengikut salaf, segala keburukan itu ialah bid'ah golongan selepas mereka dan setiap yang diadakan-adakan itu bid'ah dan setiap yang bid'ah itu sesat dan setiap yang sesat itu berada dalam neraka.

Demikian tegasnya tokoh yang masyhur ini terhadap amalan bid'ah yang menjadi pegangan atau amalan dalam kebanyakan negeri umat Islam.

Diriwayatkan oleh Abu Daud dan al-Tirmizi, berkata al-Tirmizi: "Hadis ini hasan sahih". Juga diriwayatkan oleh Ibn Majah dan al-Darimi dalam kitab *Sunan*mereka. Demikian juga oleh Ibn Hibban dalam *Shahih*nya dan al-Hakim dalam *al-Mustadrak* dengan menyatakan: "Hadith ini sahih". Ini dipersetujui oleh al-Imam al-Zahabi (*Tahqiq al-Mustadrak*, 1/288).

[3] Diriwayatkan oleh al-Bukhari dan Muslim. Rujuk Shahih Muslim – hadith no: 1718 (Kitab al-Aqdiyyah, Bab kritikan ke atas hukum batil dan perkara ciptaan baru).

Diriwayatkan oleh al-Tirmizi dalam kitab *Sunan*nya dan beliau berkata: "Hadis ini hasan gharib". al-Diya` al-Maqdisi (الضياء المقدسي) menyatakan sanad hadith ini hasan. (al-Diya al-Maqdisi, *al-Ahadith al-Mukhtarah*, jld. 7, m.s. 278). al-Albani juga menyatakan ianya hasan. (al-Albani, *Shahih Sunan al-Tirmizi*, jld. 2, m.s. 334).

[5] Diriwayatkan oleh Muslim di dalam kitab Shahihnya – hadith no: 2531 (Kitab keutamaan para sahabat, Bab menerangkan Nabi meninggalkan amanah kepada para sahabat...).

- [6] Syarh Sahih Muslim, 16/66.
- [7] Beliau adalah seorang tabi'in, anak murid 'Abd Allah bin Masud. Meninggal dunia pada 85H.
- [8] Gelaran untuk `Abd Allah bin Mas`ud.
- [9] Maksudnya baginda shallallahu 'alaihi wasallam baru sahaja wafat, tetapi mereka telah melakukan bid`ah.
- [10] Maksudnya Allah.
- [11] Ini salah satu sifat Khawarij yang disebut dalam hadith-hadith.
- [12] Riwayat al-Darimi di dalam *Musnad*nya dengan sanad yang dinilai sahih oleh al-Albani dalam *Silsilah al-Ahadith al-Shahihah*, jld. 5, m.s. 11.
- [13] Lihat: Silsilah al-Ahadith al-Sahihah, jld. 5, m.s. 11.
- Beliau ialah imam Mazhab Maliki, pembesar *Atba' al-Tabi'in*. Guru kepada al-Imam al-Syafi'i. Tokoh fekah dan hadith yang tiada tolok bandingnya. Karya beliau yang agung ialah kitab *al-Muwattha'*. Berkata al-Imam al-Sayuti: "Beliau guru para imam, Imam Dar al-Hijrah (Madinah), mengambil hadith daripadanya oleh al-Syafi'i dan ramai lagi. Berkata al-Syafi'i: 'Apabila datangnya *athar*, maka Malik adalah bintang'." (al-Imam al-Sayuti, *Tabaqat al-Huffaz*, jld. 1, m.s. 96)
- [15] al-Syatibi, al-I'tishom, m.s. 102.
- [16] Dr. Yusuf al-Qaradawi, Fatawa Mu`asarah, jld. 1, m.s. 382-383 (nukilan berpisah).

al-Mubarakfuri, Tuhfah al-Ahwazi (تحفة الأحوذي), jld. 7, m.s. 414.



Dalam ibadah tidak memadai hanya dengan niat yang baik tanpa mengikut syariat atau sunnah. Niat yang baik mestilah diiringi dengan cara yang betul. Firman Allah Subhanahu wa Ta'ala:

Dia-lah yang telah mentakdirkan adanya mati dan hidup untuk menguji dan menzahirkan keadaan kamu: siapakah di antara kamu yang lebih baik amalnya; dan Ia Maha Kuasa (membalas amal kamu), lagi Maha Pengampun. [al-Mulk 67:02]

Makna "*lebih baik amalnya*" (أخسن عملا ) ialah siapa yang amalannya paling ikhlas dan paling betul (أخلصه وأصوبه). Ini kerana sesuatu amalan jika ikhlas tetapi tidak betul maka ianya tidak diterima. Begitu juga sekiranya betul tetapi tidak ikhlas, maka ianya tidak diterima.[1] Betul merujuk kepada apa yang ditunjukkan oleh al-Qur'an dan al-Sunnah.

Ini kerana sesuatu amalan jika ikhlas tetapi tidak betul maka ianya tidak diterima. Begitu juga sekiranya betul tetapi tidak ikhlas, maka ianya tidak diterima. Insan tanpa panduan al-Quran dan al-Sunnah akan tersesat dalam menentukan cara ibadah kepada tuhan. Inilahyang berlaku di dalam agama-agama palsu. Mereka mencipta cara ibadah menurut akal fikiran mereka tanpa tunjuk ajar wahyu. Mereka tersesat jalan kerana mendakwa kehendak tuhan dalam ibadah tanpa bukti, sekalipun mungkin mereka itu ikhlas. Ini kerana ibadah adalah agama dan agama tidak boleh diambil melainkan dari tuhan itu sendiri. Untuk itu Islam mengharamkan bid'ah atau mengada-adakan ibadah tanpa bersumber daripada al-Quran dan al-Sunnah. Keikhlasan tanpa diikuti dengan cara yang ditunjukkan oleh al-Quran dan al-Sunnah adalah sama seperti amalan percipta agama palsu yang

ikhlas tanpa bimbingan wahyu.

Justeru itu ibadah mestilah bertepatan dengan apa yang dibawa oleh Nabi *shallallahu 'alaihi wasallam* berdalilkan apa yang disebut oleh Allah *Subhanahu wa Ta'ala*:

# قُلْ إِن كُنتُمْ تُحِبُّونَ اللهَ فَاتَّبِعُونِي يُحْبِبْكُمُ اللهُ وَيَغْفِرْ لَكُمْ دُنُوبَكُمْ وَاللهُ غَفُورٌ رَّحيمٌ

Katakanlah (wahai Muhammad): "Jika benar kamu mengasihi Allah maka ikutilah daku, nescaya Allah mengasihi kamu serta mengampunkan dosa-dosa kamu. Dan (ingatlah), Allah Maha Pengampun, lagi Maha Mengasihani." [Ali Imran 3:31][2]

Ibadah yang tidak mengikut cara yang ditunjukkan oleh baginda Nabi*shallallahu 'alaihi wasallam* sekalipun niat pengamalnya baik, adalah tertolak. Firman Allah *Subhanahu wa Ta'ala*:

وَمَن يَبْتَغ غَيْرَ الْإِسْلامِ دِيناً فَلْن يُقْبَلَ مِنْهُ وَهُوَ فِي الْآخِرَةِ مِنَ الْخَاسِرِي الْخَاسِرِي

Dan sesiapa yang mencari agama selain agama Islam, maka tidak akan diterima daripadanya, dan dia pada hari akhirat kelak dari orang-orang yang rugi. [Ali Imran 3:85]

Berkata al-Imam Ibn Kathirrahimahullah (774H) ketika menafsirkan ayat di atas:[3]

"Sesiapa yang melalui suatu cara yang lain dari apa yang disyari'atkan oleh Allah maka sama sekali ianya tidak diterima."

Dalam hal ini Dr. Yusuf al-Qaradawi mengingatkan:[4]

Hendaklah seorang muslim dalam ibadahnya mengikut batasan yang ditentukan untuknya. Tidak

mencukupi hanya sekadar bertujuan untuk keredhaan Allah semata, bahkan hendaklah ibadah itu dilakukan dalam bentuk yang disyariatkan Allah, dengan *kaifiyyat* (tatacara) yang diredhai-Nya. Janganlah ibadah seorang muslim itu ialah apa yang yang direka oleh manusia berdasarkan hawa nafsu dan sangkaan.

Lebih jauh, beliau berkata: [5]

Tidak boleh bagi sesiapa pun dari kalangan imam-imam kaum muslimin sekalipun tinggi darjat ilmunya, demikian juga tidak boleh bagi mana-mana badan ilmu sekalipun hebat kedudukannya, demikian juga tidak boleh bagi mana-mana institusi ilmu, atau golongan dari kaum muslimin sama ada kecil

Islam
mengharamkan bid'ah
atau mengada-adakan
ibadah tanpa
bersumber daripada
al-Quran dan alSunnah. Keikhlasan
tanpa diikuti dengan
cara yang ditunjukkan
oleh al-Quran dan alSunnah adalah sama
seperti amalan
percipta agama palsu
yang ikhlas tanpa
bimbingan wahyu.

atau besar, untuk mencipta (*ibtida*') ibadah yang baru dalam agama Allah atau menokok tambah ibadah yang ada dalam agama atau mengubah cara yang dilakukan pada zaman Rasululah shallallahu 'alaihi wasallam. Ini kerana pembuat syari'at hanyalah Allah manakala al-Rasul (Muhammad shallallahu 'alaihi wasallam) adalah penyampainya sedangkan kita hanyalah pengikutnya. Segala kebaikan itu dalam al-ittiba' (mengikut apa yang ditentukan Allah dan Rasul-Nya).

Dr. 'Abd al-Karim Zaidan, semoga Allah memeliharanya, turut menekankan perbezaan antara niat yang ikhlas dan ibadah yang betul:[6]

Bid'ah itu lebih buruk daripada maksiat. Ini kerana bid'ah me-ngubah agama serta menghukum dan mentehmah syarak sebagai cacat, berhajatkan kepada penyempurnaan, (sama ada dalam bentuk) pengurangan dan mengubahan. Ini adalah perkara yang sangat besar yang tidak beleh kita beriktikad atau beramal dengannya.

Amalan salih ialah apa yang sahih dan ikhlas kepada Allah. Apa yang sahih itu ialah yang menepati syarak. Maka membuat bid'ah dalam agama dengan menambah atau mengurangkannya adalah sesuatu yang tidak dibolehkan dan tiada pahala bagi pengamalnya sekalipun dengan niat beribadah kepada Allah...

Bid'ah itu lebih buruk daripada maksiat. Ini kerana bid'ah mengubah agama serta menghukum dan mentohmah syarak sebagai cacat, berhajatkan kepada penyempurnaan, (sama ada dalam bentuk) pengurangan dan mengubahan. Ini adalah perkara yang sangat besar yang tidak boleh kitaberiktikad atau beramal dengannya. Untuk ituRasulullah shallallahu 'alaihi wasallam telah memberi amaranmengenai bid'ah, sabdanya:

Jauhilah kamu perkara-perkara yang diada-adakan (dalam agama) kerana setiap yang diada-adakan itu adalah bid'ah dan setiap bid'ah adalah sesat.[7] Maka segala kebaikan ialah apa yang dibawa oleh syarak dan berpada dengannya.

Perlu ditekankan di sini, manhaj kita Ahl al-Sunnah wa al-Jama'ah ialah tidak menghukum seseorang kerana kejahilan yang tidak disengajakannya. Oleh itu jika seseorang itu melakukan ibadah dengan sangkaan ia adalah benar sedangkan hakikatnya adalah sebaliknya, dia tetap memperolehi pahala. Seseorang itu tidak dihukum disebabkan kejahilannya yang tidak disengajakan sedangkan dia telah berusaha untuk mendapatkan ilmu. Contohnya ialah orang awam yang tidak dapat membezakan antara hadith dengan bukan hadith, sahih dengan tidak sahih dan yang tidak mampu mengambil maklumat agama daripada sumbernya yang tulen. Ini semua dengan syarat dia tetap berusaha dan apabila sampai kepadanya ilmu yang sahih dan tulen, dia tidak bersikap ego terhadapnya tetapi terus merendahkan diri menerimanya. Hendaklah dia bertaubat dengan meninggalkan apa yang sebelum ini disangkakan benar kepada apa yang kini diketahuinya sahih lagi tulen. Firman Allah Subhanahu wa Ta'ala:

إِلَّا مَن تَابَ وَآمَنَ وَعَمِلَ عَمَلاً صَالِحاً فَأُولْلِكَ يُبَدِّلُ اللَّهُ سَيِّئَاتِهِمْ حَسَنَاتٍ وَكَانَ اللَّهُ عَمَلاً عَمَلاً عَمَلاً عَمَلاً عَالِحاً فَأُولْلِكَ يُبَدِّلُ اللَّهُ سَيِّئَاتِهِمْ حَسَنَاتٍ وَكَانَ اللَّهُ عَنْ رَا رَّحِيماً

Kecuali orang yang bertaubat dan beriman serta mengerjakan amal yang baik, maka orang-orang itu, Allah akan menggantikan kejahatan mereka dengan kebaikan dan adalah Allah Maha Pengampun, lagi Maha Mengasihani.[al-Furqan

25:701

Umat Islam
sepatutnya berlumba-lumba
membuat bid'ah dalam
urusan dunia, bukan agama.
Mereka diizinkan, malah
disuruh memulakan perkara
baru dalam urusan dunia

yang memberi manfaat.

Perkara kedua yang perlu ditekankan adalah, umat Islam sepatutnya berlumba-lumba membuat bid'ah[8] dalam urusan dunia, bukan agama. Malangnya mereka tidak membuat bid'ah ini, iaitu memulakan ciptaan baru seperti senjata, peralatan moden, perubatan dan sebagainya. Padahal mereka diizinkan, malah disuruh memulakan perkara baru dalam urusan dunia yang memberi manfaat. Umat Islam masa kini jarangjarang, malah hampir tiada, memulakan perkara

yang baru dalam urusan dunia, sebaliknya hanya bergantung kepada dunia Barat. Hakikat ini telah disentuh oleh al-Syeikh Dr. Yusuf al-Qaradawi: [9]

Sesungguhnya ruang melakukan rekaan dan membuat perkara baru bukannya dalam agama. Agama hanya berdasar apa yang diturunkan Allah. Wajib kekal terpelihara lagi bersih dari permainan golongan yang sia-sia, penyelewengan golongan melampau, dakwaan golongan sesat dan tafsiran golongan yang jahil. Adapun ruang untuk melakukan rekaan sebenar ialah dalam urusan dunia. Ianya sangat luas dan banyak. Memerlukan keupayaan seni dan rekaan. Namun apabila kaum muslimin mundur, keadaan mereka buruk, urusan mereka rosak dan berpecah masyarakat mereka, urusan mereka menjadi terbalik dan keadaan menjadi sebaliknya. Dalam urusan dunia mereka terhenti menjadi begitu jumud seperti batu atau lebih jumud dari itu. Mereka tidak memulakan rekaan, mengadakan dan menyingkap perkara baru. Slogan mereka: "Golongan awal tidak meninggalkan untuk yang kemudian sedikit pun."[10] Adapun dalam agama mereka mengadakan rekaan, membuat bid'ah dalam beragam bentuk ibadah yang tidak diizinkan Allah.

Akhir kata, marilah kita berusaha agar ibadah kita menepati sunnah dan menjauhi bid'ah. Marilah kita mendalami ilmu yang sahih lagi tulen agar dengan itu ibadah kita adalah sahih dan tulen juga. Apabila kita telah mencapai tahap ini, marilah kita membuktikan kesyukuran kita kepada Allah Subhanahu wa Ta'ala dengan menyampaikan ilmu yang sahih dan tulen kepada umat Islam yang selainnya. Jangan menghukum mereka secara terburu-buru, sebaliknya betulkanlah mereka secara hikmah dan bijaksana. Jangan merasa gembira hanya apabila diri sendiri berada di atas kesahihan dan ketulenan tetapi bergembiralah hanya apabila umat Islam semuanya berada di atas kesahihan dan ketulenan. Berpegang kepada sunnah Rasulullah shallallahu 'alaihi wasallam bukan sahaja dalam beribadah tetapi juga dalam berdakwah:

فَهِمَا رَحْمَةٍ مِّنَ اللهِ لِنتَ لَهُمْ وَلُو كُنتَ فَظَا غَلِيظِ الْقَلْبِ لانفَضُّوا مِنْ حَوْلِكَ فَاعْفُ عَنْهُمْ وَاسْتَغْفِرْ لَهُمْ وَشَاوِرْهُمْ فِي الأمْرِ فَإِذَا عَزَمْتَ فَتَوَكَّلْ عَلَى اللهِ إِنَّ اللهَ يُحِبُّ الْمُتَوكِّلِينَ Maka dengan sebab rahmat (yang melimpah-limpah) dari Allah (kepadamu wahai Muhammad), engkau telah bersikap <u>lemah-lembut</u> kepada mereka (sahabat-sahabat dan pengikutmu), dan kalaulah engkau bersikap kasar lagi keras hati, tentulah mereka lari dari kelilingmu.

Oleh itu <u>maafkanlah</u> mereka (mengenai kesalahan yang mereka lakukan terhadapmu), dan <u>pohonkanlah ampun</u> bagi mereka, dan juga <u>bermesyuaratlah</u> dengan mereka dalam urusan itu. Kemudian apabila engkau telah berazam (sesudah bermesyuarat, untuk membuat sesuatu) maka bertawakallah kepada Allah, sesungguhnya Allah Mengasihi orang-orang yang bertawakal kepada-Nya.[Ali Imran 3:159]

[1] Ibn Rajab, Jami' al-'Ulum wa al-Hikam, jld. 1, m.s. 33.

[2] Maksudnya, pembuktian keikhlasan dan kasih sayang kita kepada Allah bukanlah dengan cara membuat-buat atau menokok tambah ibadah tersendiri tetapi adalah dengan mengikuti sunnah Rasulullah *shallallahu 'alaihi wasallam*. Mengikuti sunnah dalam beribadah ialah melakukan apa yang dilakukan oleh Rasulullah dan meninggalkan apa yang ditinggalkan oleh Rasulullah *shallallahu 'alaihi wasallam*. (penyunting)

[3] Ibn Kathir, *Tafsir Ibn Kathir*, jld. 2, m.s. 378.

[4] Dr. Yusuf al-Qaradawi, al-`Ibadah fi al-Islam, m.s. 165.

[5] al-`Ibadah fi al-Islam, m.s. 166-167.

[6] Dr. `Abd al-Karim Zaidan, *Usul al-Da'wah*, m.s. 41.

Diriwayatkan oleh Abu Daud dan al-Tirmizi, berkata al-Tirmizi: "Hadis ini hasan sahih". Juga diriwayatkan oleh Ibn Majah dan al-Darimi dalam kitab *Sunan*mereka. Demikian juga oleh Ibn Hibban dalam *Shahih*nya dan al-Hakim dalam *al-Mustadrak* dengan menyatakan: "Hadith ini sahih". Ini dipersetujui oleh al-Imam al-Zahabi (*Tahqiq al-Mustadrak*, jld. 1, m.s. 288).

[8] Dari segi bahasa seperti yang diterangkan sebelum ini.

[9] Dr. Yusuf al-Qaradawi, al-`Ibadah fi al-Islam, m.s. 170.

Slogan ini asalnya digunakan oleh orang-orang yang bertaklid dalam urusan agama bahawa kononnya para ilmuan terdahulu telah melengkapkan perbahasan tentang agama sehingga tidak perlu bagi golongan terkemudian mengkajinya semula melainkan ikut sahaja. Slogan ini kini dipanjangkan kepada urusan duniawi pula, memberi maksud kononnya orang-orang Barat telah melengkapkan urusan duniawi sehingga tidak perlu bagi umat Islam mengkajinya melainkan ikut sahaja. Yang benar keduadua urusan agama dan duniawi masih terdapat ruang untuk dilakukan kajian, ciptaan dan pembaharuan. Hanya sahaja dalam agama ia ditujukan kepada urusan muamalah dan bukannya ibadah.



- `Abd al-Karim Zaidan, *Usul al-Da'wah*, Beirut: Muassasah al-Risalah (1993)
- `Ali Hasan `Ali, *Kitab al-Ihya fi Mizan al-'Ulama مكتاب الإحياء في ميزان العلماء, al-Ahsa`:* Maktabah Ibn Jauzi (1988).
- 'Itr: Nur al-Din, Manhaj al-Naqd fi 'Ulum al-Hadith منهج النقد في علوم الحديث, Damsyik: Dar al-Fikr (1992).
- `Izz al-Din `Abd al-Salam: `Abd al-`Aziz bin `Abd al-Salam, Qawa'id al-Ahkam fi Masalih al-Anam قواعد الأحكام في مصالح الأنام, Beirut: Dar al-Kutub al`Ilmiyyah (1999).
- Abu Daud: Sulaiman bin al-Asy'as, al-Sunan, Beirut: Dar al-Fikr (t.t).
- Abu Taiyyib: Muhammad bin Ahmad, *Zail al-Taqyid fi Riwayat al-Sunan wa Masanid* ذيل التقييد في رواية السنن والمسانيد, Beirut: Dar al-Kutub al-'Ilmiyyah (1410H).
- al-Albani: Muhammad Nasir al-Din ناصر الدين *Silsilah al-Ahadith al-*Shahihah سلسلة الأحاديث الصحيحة, Riyadh: Maktabah al-Ma`arif (1995).
- al-Albani: Muhammad Nasir, *Shahih Sunan al-Tirmizi*, Beirut: Maktab al-Tarbiyyah al-`Arabi (1988).
- al-Bukhari, Muhammad bin Ismail, *Shahih al-Bukhari*, Beirut: Dar Ibn Kathir (1986).
- al-Diya al-Maqdisi: Muhammad bin `Abd al-Wahid, *al-Ahadith al-Mukhtarah* الأحاديث المختارة, Mekah: Maktabah al-Nahdah al-Hadithah (1410H).
- al-Ghazali, *Ihya 'Ulum al-Din*, takhrij al-Hafizd al-'Iraqi, Beirut: Dar al-Khair (1990).
- al-Hakim: *al-Mustadrak* المستدرك, tahqiq: `Abd al-Salam `Allus, Beirut: Dar al-Ma'rifah (1998).
- Ali Mahfuz, *al-Ibda' fi Madarr al-Ibtida'* الإبداع في مضار الابتداع, Beirut: Dar al-Kutub al-'Ilmiyyah (2001).

- al-Mubarakfuri: `Abd al-Rahman bin `Abd al-Rahim, *Tuhfah al-Ahwazi* تحفة Beirut: Dar al-Fikr (1995).
- al-Munziri: 'Abd al-'Azim bin 'Abd al-Qawi, *al-Tarhib wa al-Targhib* الترهيب والترغيب, Beirut: Dar al-Kutub al-'Ilmiyyah (1417H).
- al-Nasai: Ahmad bin Syu'aib, *Sunan al-Nasai bi Syarh al-Sayuti wa Hasyiah al-Sindi*, tahqiq: Abu Ghuddah, Halab: Maktabah al-Makbu'at al-Islamiyyah (1994).
- al-Nawawi: Yahya bin Syaraf, *al-Azkar* الأذكار, Damsyiq: Maktabah al-Ghazali (1986).
- al-Nawawi: Yahya bin Syaraf, *al-Majmu' Syarh al-Muhazzab*, Beirut: Dar al-Fikr (1980).
- al-Nawawi: Yahya bin Syaraf, Syarh Shahih Muslim, Beirut: Dar al-Khair (1414H).
- al-Nawawi: Yahya bin Syaraf, *Tahzib al-Asma` wa al-Lughat* تهذيب الأسماء واللغات, Beirut: Dar al-Fikr (1996).
- al-Qaradawi: Dr Yusuf, *al-`Ibadah fi al-Islam*, Beirut: Muassasah al-Risalah (1981).
- al-Qaradawi: Dr Yusuf, *Fatawa Mu`asarah فتاوى معاصرة,* Beirut: Dar Uli al-Nuha (t.t).
- al-Razi: Muhammad bin Abi Bakr, *Mukhtar al-Sihah* مختار الصحاح, Beirut: Maktabah Lubnan. (1995).
- al-Ruhaili: Dr. Ibrahim 'Amir, *Mauqif Ahl al-Sunnah wa al-Jama'ah min Ahl al-Ahwa wa al-Bida'* موقف اهل السنة والجماعة من أهل الأهواء والبدع, Madinah: Maktabah al-Ghuraba` al-Athariyyah (1415).
- al-Sayuti: `Abd al-Rahman bin Abi Bakr, *al-Amr bi al-Ittiba' wa al-Nahy `an al-Ibtida' ا*لأمر بالاتباع والنهي عن الابتداع Beirut: Dar al-Fikr al-Lubnan (t.t.).
- al-Sayuti: `Abd al-Rahman bin Abi Bakr, *Tabaqat al-Huffaz طبقات الحفاظ*, Mesir: Maktabah Wahbah (1402H).
- al-Syafi'i: Muhammad bin Idris, *Mausu'at al-Imam al-Syafi'i: al-Umm* موسوعة Beirut: Dar Ihya al-Turath al-'Arabi (2000).

- al-Syatibi الشاطبي: Ibrahim bin Musa, *al-I'tishom* الاعتصام,tahqiq: `Abd al-Razzaq al-Mahdi, Beirut: Dar al-Kitab al-`Arabi (1996).
- al-Tirmizi: Muhammad bin 'Isa, *Sunan al-Tirmizi سنن الترمذي* , tahqiq: Ahmad Muhammad Syakir dan lain-lain, Beirut; Dar al-Turath al-'Arabi (t.t).
- al-`Utsaimin: Muhammad Salih, *Alfaz wa Mafahim* ألفاظ ومفاهيم, Saudi: Dar al-Watan li al-Nasyr (t.t.)
- al-Bugha: Mustafa Dib, *Nuzhah al-Muttaqin Syarh Riyad al-Shalihin* نزهة المتقين Beirut: Muassasah al-Risalah (1992).
- Ibn Abi `Asim: Abu Bakr `Amr bin Abi `Asim أبي عاصم, *Kitab al-Sunnah* كتاب , *Kitab al-Sunnah* السنة, Beirut: al-Maktab al-Islami (1993).
- Ibn Hajar al-'Asqalani : Ahmad bin 'Ali, *Fath al-Bari bi Syarh Shahih al-Bukhari* فتح الباري بشرح صحيح البخاري, Beirut: Dar al-Fikr (1993).
- Ibn Kathir: Ismail bin 'Umar, *Tafsir Ibn Kathir*, Beirut: Dar al-Ma'rifah (1987).
- Ibn Kathir: Ismail bin Kathir, *al-Bidayah wa al-Nihayah* البداية والنهاية, Beirut: Dar al-Kutub al-'Ilmiyyah (t.t).
- Ibn Majah: Muhammad bin Yazid, *al-Sunan*, tahqiq: Muhammad Fuad `Abd al-Baqi, Beirut: Dar al-Fikr (t.t.).
- Ibn Manzur, منظور , Muhammad bin Mukrim, *Lisan al-'Arab لسان العرب,* Beirut: Dar al-Fikr (t.t).
- Ibn Naqib: Ahmad bin Naqib, *Anwar al-Masalik* أنوار المسالك, Damsyik: Dar al-Taba' (1993).
- Ibn Qayyim al-Jauziyyah: Muhammad bin Abi Bakr, *'Ilam al-Muwaqqi'iin* إعلام الموقعين, Beirut: Dar al-Fikr (t.t).
- Ibn Rajab: 'Abd al-Rahman bin Syihab al-Din, *Jami' al-'Ulum wa al-Hikam* جامع العلوم والحكم, tahqiq: Dr. Wahbah al-Zuhaili, Beirut: Dar al-Khair (1993).
- Kahalah: 'Umar Rida, *Mu'jam al-Muallifin* معجم المؤلفين, Beirut: Muassasah al-Risalah (1414H).

Majma' al-Lughah al-'Arabiyyah, *al-Mu'jam al-Wajiz* المعجم الوجيز, Majma' al-Lughah (t.t).

Muslim bin al-Hajjaj, *Shahih Muslim* (cetakan dengan syarah al-Nawawi: *Syarh Shahih Muslim*), Beirut: Dar al-Khair. (1414H/1994).

